


進饌儀軌
亨



進饌儀軌卷之一目錄

傳教

筵說

樂章

附呈才
樂章

致詞

箋文

儀註

事目

啓目

啓辭

移文

來關

進饌儀軌卷之一

傳教

乙酉十一月十六日

傳曰時原任大臣率禮堂明日來待

乙酉十一月十七日

傳曰時原任大臣禮堂入侍

傳曰明年卽我 慈聖寶齡將躋八旬非徒我家稀有之慶實是千載罕覩之會予小子愛日祝岡之誠曷有其極惟我 慈聖之仁之德範金鏤玉誕進鴻號豈足以摹畫萬一而彝典之所宜先情理之所可伸間果屢煩懇摯之請勉回謙挹之衷纔承允許而茲於亞歲之日召見大臣禮堂詢議而僉同矣 大王大妃殿加上尊號設都監舉

行政官牌招開政都監堂郎差出

傳曰 慈聖進號之節纔有成命采切懽祝之忱元朝稱慶自有己行之禮當於明年月正元日親上表裏致詞箋文於 大王大妃殿矣告布之節令儀曹依例磨鍊

傳曰 大王大妃殿進號稱慶之節纔有成命矣予小子懽祝之忱曷有其極擬於開春亟舉飾喜之儀而間以此自內仰請者屢矣惟我 慈聖謙挹之衷恤民之念以稽事歎荒國用匱竭豐豫之節決不可行爲教懇眷惻怛之意溢於辭教之表其在下情雖甚缺然養志之道惟當承順而已進饌之節不得已退定於明年秋間磨鍊諸般儀節令各該司預爲準備

丙戌十月十一日

傳曰 慈殿進饌之節向有成命而連承撫謙之教間未
即行今又屢煩仰請始蒙允許予小子情禮慶幸曷有其
極且誕辰之月在邇尤不勝懽忭來十二月初六日當進
饌以伸祝岡之忱矣該房知悉

傳曰進饌時諸般舉行令親軍營專管爲之凡係儀節務
從省約卽所以仰體 慈聖冲挹之意也外道女伶亦勿
知委

丙戌十月十二日

傳曰稱觥之節才有下教而慶節識喜倍切頌祝之忱進
饌日當自內親上致詞箋文表裏矣該房知悉

傳曰行上護軍尹滋惠戶曹判書鄭範朝督辦內務府事
金永壽兵曹判書閔應植協辦內務府事趙康夏並進饌

所堂上差下副司果尹容善翊衛李純宰衛率吳壽泳副
司果金永典戶曹正郎徐雲輔並郎廳差下

丙戌十月十四日

傳曰進饌所堂上來待

傳曰進饌所堂上入侍

傳曰進饌處所萬慶殿爲之

丙戌十月二十一日

口傳下教曰進饌時侍座排設以平排設爲之儀仗置之
只用日繖扇 大王大妃殿儀仗依丁丑年例爲之 中
宮殿儀仗置之只用陽繖扇 東宮侍座排設亦以平排
設爲之儀仗置之只用日繖扇 嬪宮儀仗置之只用繖
扇 殿宮排設中褥屬襖屬以紫紅色仍用饌案依前排

令尙方措備侍座旣以平座磨鍊平床交椅蓋覆紅紫的
氈寶印床香座兒爐烟床並置之便次排設令別營舉行
事分付

口傳下教曰絲圈花依丁丑年例爲之四枝造入事分付
口傳下教曰前用諸呈才唱詞肄習與船遊樂諸具及各
呈才肄習服色量宜磨鍊令親軍營舉行待令捕校捕卒
及巡牢食價依他都監例從略上下畫龍燭依內下燭樣
以木物造成插心紅燭以用而心燭以五色造成事分付

丙戌十月二十三日

口傳下教曰今番進饌時親上致詞箋文當親撰以下

中宮殿致詞令內閣提學製進 東宮致詞箋文令右賓
客製進 嬪宮致詞亦令內閣提學製進左右命婦宗親

儀賓戚臣致詞並令內閣製進

口傳下教曰今番進饌時 大王大妃殿進御味數既以

五味磨鍊爵數亦當以五爵磨鍊第一爵親上第二爵

中宮殿親上第三爵 東宮親上第四爵 嬪宮親上第

五爵待下教舉行侍座味數各以一器磨鍊而每味三器
爲之進茶之節亦爲磨鍊大小膳亦以牛羊猪鷄磨鍊牛
羊猪以片肉磨鍊鷄則以炙磨鍊事分付

口傳下教曰進味數大小膳已有磨鍊矣 大王大妃殿

進湯進饅頭進茶之節並依丁丑年例爲之侍座大小膳
並置之五味三器當有磨鍊初味以小饅頭果骨湯生鰓
膾各一器二味以三色梅花軟絲果雜湯鷄蒸各一器三
味以三色漢果胖湯秀魚蒸各一器四味白蓼花海蓼湯

羊肉熟片各一器五味以樽柿猪胞湯凍秀魚膾各一器磨鍊 大殿 東宮侍座排設以簾外爲之前導以下各差備等舉行之節成笏記肄習事分付

口傳下教曰今番進饌時第五爵命婦班首進上

口傳下教曰今番進饌時廚院熟設所移設於思政門內

丙戌十月二十五日

傳曰協辦內務府事閔泳煥進饌所堂上差下

傳曰掌樂提調尹滋惠典牲提調閔泳煥令該曹口傳相換

丙戌十一月初十日

傳曰既承 慈教矣進饌日子以來正月晦前更爲擇入傳曰進饌雖已退定來十二月初六日致詞箋文表裏親

上之節依前下教磨鍊

丙戌十一月十三日

禮曹啓曰 傳曰既承 慈教矣進饌日子以來正月晦前更爲擇入事命下矣進饌吉日待新曆頒降擇日舉行何如 傳曰允

丙戌十二月初一日

禮曹啓曰進饌吉日待新曆頒降擇日舉行事允下矣今日官金東萬推擇則來正月二十七日爲吉云以此日定行乎敢稟 傳曰以此日定行

丙戌十二月十一日

口傳下教曰翌日會酌儀節依丁丑年例磨鍊再翌日東宮亦當有會酌矣儀節依翌日會酌例磨鍊命婦及進

饌堂郎致詞令本所製進會酌時翌日排設以龍交椅再
翌日以交椅舉行御製先後唱樂章並令女伶肄習兩日
所進饌品及命婦以下進饌所堂郎及別看役以下床排
盤只量宜磨鍊事分付

丁亥正月十三日

口傳下教曰熟設所自今日始役而郎廳以下輪回入直
處所內別軍職廳爲之堂上則臨時輪直事分付

自是日郎廳二員式

輪回入直省記一件修呈兵曹一件修呈內務府入啓而牌將二人書吏一人
庫直使令各一名旗手二名文書直使喚軍各一名省記亦爲修呈內務府

丁亥正月十六日

口傳下教曰今日爲始進饌所郎廳一員入直事分付
口傳下教曰進饌正日內外賓頒花唱名記自本所修正
以入二品以上六曹兩司長官問安進字舉案自吏兵曹

捧納本所事卽爲知委而首拱花令該次知牌將率花匠
頒給散花十朶具曲釘等待內賓床入傳時舉行女伶預
先量宜分定饌品重湯處所以萬歲門外設油遮日等待
而饌品預先入設饌品排設圖及饌品單子夜進饌及翌
日會酌再翌日會酌班次圖並修正以入夜進饌翌日會
酌再翌日會酌與夜譙時進湯進茶加磨鍊會酌再會酌
時味數一味三器爲之器數兩色漢果口子湯秀魚蒸磨
鍊紗籠燈左右或懸或豎外賓在外人自本所行關知委
在京人一體知委事分付

頒花唱名記作笏記二件以證書列書參宴
內外賓長職銜○饌品單子式見饌品條

口傳下教曰左命婦班首以貞敬夫人金氏右命婦班首
以貞夫人徐氏爲之頒花唱名記並爲修正以入事分付
口傳下教曰翌日會酌與夜譙叅互丁丑年例磨鍊再翌

日會酌與夜讌依此磨鍊進饌堂郎致詞亦令本所製進
殿座與座堂儀仗置之事分付

口傳下教曰進饌時本所堂上郎廳亦依外賓例入叅行
禮事分付

丁亥正月十九日

口傳下教曰夜進饌時 大王大妃殿儀仗及翌日再翌
日會酌時殿庭軒架並置之

口傳下教曰進饌正時以辰初初刻爲之事分付

丁亥正月二十七日

口傳下教曰今日當賜饌頒花矣問安後時原任大臣奉
朝賀承史閣臣玉堂春桂坊主事二品以上六曹兩司長
官並畱待之意令政院知委

口傳下教曰明日再明日會酌正時以正日例辰初初刻爲之

口傳下教曰頒花處所勤政殿爲之

口傳下教曰稷屏依丁丑年例爲之儀軌廳處所前內弓房爲之物力令戶兵曹限二千兩區劃如或不足自親軍營隨所入上下員役則會同日量宜酌定事分付

丁亥正月二十八日

口傳下教曰今番進饌後稷屏只以進饌所與春桂坊舉行

丁亥二月初二日

傳曰進饌所堂上行上護軍尹滋惠行戶曹判書鄭範朝督辦內務府事金永壽兵曹判書閔應植協辦內務府事

趙康夏協辦內務府事閔泳煥各熟馬一匹面給郎廳司
直尹容善右翊衛李純宰並陞叙泰川縣監吳壽泳外職
陞叙副司果金永典戶曹正郎徐雲輔並陞叙別看役河
陽縣監姜澣外職陞叙前府使吳慶然守令除授永平郡
守李應憲外職陞叙副司果李濬相守令除授訓練院僉
正金信默察訪待窠首先擬入前縣監安膺浩加資禮貌
官假引儀李昌善李心泰各兒馬一匹賜給司饗院都提
調行判府事金弘集內下大豹皮一令賜給提調兵曹判
書閔應植內下虎皮一令賜給饌品監造官判官曹斗煥
熟設所郎廳副司果金永典並陞叙掌樂院提調知事李
源命內下虎皮一令賜給協辦內務府事閔泳煥內下鹿
皮一令賜給協律郎正鄭履源兒馬一匹賜給尙衣院提

調判宗正卿李載冕上護軍李秉文各熟馬一匹賜給副
提調行都承旨尹用求半熟馬一匹賜給郎廳鄭基泰俞
弼煥金肯善李倬各兒馬一匹賜給計士洪教錫從願施
賞韓在鎮錄事朴仁植並高品付料寫字官李斗赫彭繼
天並加資崔翼相全光默金漢朝劉晉祐劉漢承白萬玉
劉漢翼並本衙門調用徐寅杓以其子卽付實官首先陞
實畫員尹大植加資日官金洙均金東萬並高品付料牌
將金仲浩以其父賢默賞加崔光植以其父宗恆賞加池
在璿等六人並賞加潘敬淵等十七人並善將待窠
差送異海衍等二十三人並邊將除授朴忠源等二人右
職調用排設司鑰河成一世子宮排設司鑰尹東善各
兒馬一匹賜給待令捕校崔冕淳賞加金弘植等二人並

邊將除授其餘計士寫字官畫員牌將捕校奏時官員役樂工工匠女伶等並依判下施賞

傳曰行戶曹判書鄭範朝督辦內務府事金永壽兵曹判書閔應植協辦內務府事趙康夏協辦內務府事閔泳煥並進饌儀軌堂上差下右翊衛李純宰副司果金永典戶曹正郎徐雲輔並郎廳差下副司果李根教一體差下

丁亥二月十一日

口傳下教曰今日三會酌時仕進內務府堂郎在院承史入直春桂坊閣臣玉堂入叅

丁亥二月十四日

口傳下教曰進饌儀軌廳處所移設於右營新營

口傳下教曰沙斤察訪朴鏞夔叅禮察訪趙信和儀軌廳

牌將差定舉行事分付

庚寅三月十六日

傳曰丁丑儀軌間因未遑尚未開印矣今此進饌儀軌纂修時一體編輯同爲印進事分付儀軌廳今番儀軌堂郎並丁丑儀軌監印堂郎差下

口傳下教曰丁丑丁亥二帙儀軌開印後東朝內入一件內入八件又內入二十件西庫三件奎章閣侍講院春秋館四處史庫禮曹各藏一件進饌堂郎及儀軌郎廳李根教各一件賜給判府事金炳始督辦內務府事閔泳翊前府使朴齊億以丁丑進饌堂郎時存人各丁丑儀軌一件亦爲賜給事分付

筵說

乙酉十一月十七日

上御興福殿時原任大臣禮堂入侍時行都承旨尹用求假注書權相洛記注官朴斗杓別兼春秋李茂魯領議政沈舜澤判府事金弘集金炳始禮曹判書洪澈周叅判金德圭叅議金在容以次進伏訖 上曰史官分左右舜澤奏曰臣等承命率禮堂登對矣 上曰今日召見卿等非有他事明年卽我 慈聖寶齡將躋八旬實我家稀有之大慶也予小子懽祝之忱曷以形喻而亦可見舉國臣民之同聲慶祝崇奉顯聞闡揚徽音彝典自在微誠可伸聞嘗自內仰請惟我 慈聖謙挹不居旣屢屢祈懇纔承允許進號之喊典將舉故所以召卿等矣舜澤曰伏承下教聖上慶祝之心益爲仰頌而臣等懽忭之忱尤無以形達

矣我東朝殿下有塗莘姬妣之德膺壽考康寧之福明年寶齡將躋八旬此誠國朝五百年肇有之慶也以我殿下知年愛日之誠凡可以飾喜者宜無不舉而寶冊揚徽厥有彝典盈庭百官匝域萬民之所共抃頌莫不鼓舞於壽域之中樓指以俟今日者也伏願亟降成命涓吉舉行焉弘集曰惟我東朝殿下寶齡彌仰純嘏無疆此誠國家罕有之大慶迺以飾喜之聖孝勉回執謙之慈衷誕舉彝典將進鴻號臣等躬逢盛會不勝懽欣忭祝之至炳始曰明年卽我慈聖殿下寶齡將躋八旬此誠國朝罕有之大慶誕進顯冊闡揚徽音實彝典所宜先聖孝尤有光臣等不任懽忭慶祝之忱矣上曰今此大臣之議僉同慶祝之心上下惟均而予小子尤庸欣忭也

上命書傳教曰明年卽我 慈聖寶齡將躋八旬非徒我
家稀有之慶實是千載罕覩之會予小子愛日祝岡之誠
曷有其極惟我 慈聖之仁之德範金鏤玉誕進鴻號豈
足以摹畫萬一而彝典之所宜先情理之所可伸間果屢
煩懇摯之請勉回謙挹之衷纔承允許而茲於亞歲之日
召見大臣禮堂詢議而僉同矣 大王大妃殿加上尊號
設都監舉行政官牌招開政都監堂郎差出舜澤曰至承
成命伏切懼忭之忱矣 上曰進號之典今旣議定而予
小子慶祝之誠曷有其已乎當於明年月正元日親上表
裏致詞箋文以伸情禮矣 上命書傳教曰 慈聖進號
之節纔有成命采切懼祝之忱元朝稱慶自有已行之禮
當於明年月正元日親上表裏致詞箋文於 大王大妃

殿矣告布之節令儀曹依例磨鍊舜澤曰揚號告布次第有命臣等尤不任慶祝之至弘集曰又承元朝稱慶之教節文備至尤切慶祝矣炳始曰乃於元朝呼嵩之禮亦我聖上祝岡之誠矣上曰以予懽祝之忱凡所飾慶識喜何所不用其極而如今艱虞之時不可以豐豫之舉屢承慈教諄諄在予道理不可不承順進饌之節將退行於明秋而預爲傳教爲好矣上命書傳教曰大王大妃殿進號稱慶之節纔有成命矣予小子懽祝之忱曷有其極擬於開春亟舉飾喜之儀而間以此自內仰請者屢矣惟我慈聖謙挹之衷恤民之念以穡事歉荒國用匱竭豐豫之節決不可行爲教懇眷惻怛之意溢於辭教之表其在下情雖甚缺然養志之道惟當承順而已進饌之節不

得已退定於明年秋間磨鍊諸般儀節令各該司預爲準備
舜澤曰 大王大妃殿恤民之念伏不勝欽仰萬萬而承順養志益有光於 聖孝矣弘集曰以我 聖上識喜之誠宜於豐豫之節靡不用極而冲挹之 慈德承順之宸孝兩盡其美尤有光焉曷任欽頌萬萬炳始曰謙挹不居 慈聖之德意益仰養志承順 殿下之孝思彌光不勝欽頌矣澈周奏曰議號有當日舉行之例亦有擇日舉行之例今番則何以爲之乎 上曰擇日舉行可也澈周曰來丙戌年元朝稱慶陳賀慶名以 大王大妃殿寶齡將躋八旬稱號何如 上曰依爲之澈周曰諸般儀節筵退後謹當草記稟定矣 上曰依爲之

丙戌十月十四日

上御乾清宮進饌所堂上入侍時同副承旨李暉假注書
韓光洙記事官金永迪趙衡夏進饌所堂上行戶曹判書
鄭範朝督辦內務府事金永壽兵曹判書閔應植以次進
伏訖 上曰史官分左右仍命進饌所堂上進前範朝等
進前 上曰會同姑未爲之乎範朝曰筵退後明日當會
同於右營新營矣 上曰應有預爲稟定之事矣永壽曰
會同後多有稟定之事而進饌處所不可不預爲稟定矣
上曰當下教矣仍命書傳教曰進饌處所以萬慶殿爲之
永壽曰進饌所所入物力當爲措劃而及今稟定然後可
以舉行故敢此仰達矣 上曰以今經費有難專責於戶
曹且仰體 東朝撫謙之德諸般舉行務從省約既令本
營專管而其外各司進排物種依例取用進饌所員役工

匠等料布令戶兵曹依例上下也永壽曰謹依下教舉行
矣進饌儀節肄習處所以何處爲之乎 上曰已例何如
永壽曰丁丑以武衛所新營爲之矣 上曰當以闕內近
處爲之而右營新營似好矣永壽曰以此爲定而外他諸
般儀節當以草記稟定矣 上曰唯 上曰廚院提調亦
當有稟定之事矣應植曰進饌時味數與器數何以爲之
乎 上曰味數以五味器數以三器爲之應植曰別行果
器數何以爲之乎 上曰 大王大妃殿以二十器磨鍊
大殿 中宮殿 世子宮 世子嬪宮以十五器磨鍊朝
臣床當自本所措備矣應植曰進湯進饅頭何以爲之乎
上曰依例磨鍊應植曰進鹽水何以爲之乎 上曰依例
磨鍊應植曰孰設所以何處爲之乎 上曰萬慶殿近地

進饌儀軌
爲之也應植曰以光四門內行閣爲之恐好矣 上曰唯
應植曰監造官一員例以本院郎廳兼差舉行而今番則
何以爲之乎 上曰依例爲之應植曰未及稟定之事皆
以草記爲之矣 上曰唯

樂章

御製進饌樂章

於赫 太母思齊徽音女堯女舜聖妣聖任 慈化普覃
河海共深佑我 宗國式休于今壽躋八旬長樂尊臨涓
吉燕喜兕觥是斟勻天象德來儀苞禽岡阜遐祝粗伸微
忱懽均野襪慶溢朝簪春暉萬年欲報寸心

於赫五章章四句

御製進饌先唱樂章

三陽回泰運樂事孔多北斗壽樽斟太和萬歲瑤桃又結
子露種靈柯挹彼千一清洋溢恩波南極光輝寶筭加
慈齡彌邵八千春昇平烟花

泰運一章章二句

御製進饌後唱樂章

慈渥汪洋遍八域浹人洽人人深無極磐石措安壽筭
翼泰平歌舞環東國尺天紅雲繞瑞色拜跪彤墀千官同
率職齋誠擯手奉瑤觴如阜如同千萬億

慈渥一章章二句

御製夜進饌先唱樂章

萬年壽瑤桃獻新曲春鶯囀妙舞宮柳嫩恭將大斗酌雙
擎九頓王母受茲福莫辭勸萬事皆如願萬事皆如願

縷縷金一疊

御製夜進饌後唱樂章

禁籞祥雲曙色紅佳氣鬱鬱葱葱以燕以敖式歌且舞勻
天雅音融融九重春深藹御爐香烟御柳東風從此千年
願如今夕樂無窮

齊天樂一疊

御製翌日會酌先唱樂章

夜譙
仍用

荷天之休載譙載敖攢手齊祝 寶筭彌高

天休一章章四句

御製翌日會酌後唱樂章

夜譙
仍用

猗我燕喜以祈 壽母萱春不老千萬歲有

燕喜一章章四句

御製再翌日會酌先唱樂章夜譙仍用

維南有山維北有斗孰與偕久 太母之壽

維南一章章四句

御製再翌日會酌後唱樂章夜譙仍用

思齊 太母壽考且寧樂哉令辰祝千萬齡

思齊一章章四句

呈才樂章凡進宴自都監列書名樣呈才入啓受點而今番進饌則因下教自進饌所稟旨磨鍊舉行

長生寶宴之舞已丑睿製○圖書集成宋基聖節排當樂次第五蓋笙獨吹小石角長生寶宴樂○女妓二人奉竹竿子左右分立一人在前一人在中一人在後一人在左一人在右相變而舞

竿子左右分立一人在前一人在中一人在後一人在左一人在右相變而舞

麗日舒長開盛宴於寶殿祥雲葱籠張勻樂於彤庭敢冒

慈儀翌日會酌時以宸顏改書進再謹進口號竹竿子進口欽惟再翌日會酌時以恭惟改書進

我 慈聖思齊德化柔雍翌日會酌時以聖上一德克享天心改書進再翌日會酌時以春宮邸下容德溫文改書進

景籙無疆昇平之樂祝華之宴以長生不老之壽歌之而

頌也

仙母致語

天門海日先紅絳紗玉斧瑞氣怡融承天嘉奏

天樂金鳳銀鵝一叢叢揚蘭葩舞迴波靡靡柳澹澹風

前段

九重春色蟠桃宴羅衫葉葉舞一遍再拜陳三願一願聖

壽

再翌日令酌時以睿壽改書進

無疆二願朝野清晏三願勻天樂老萊衣歲

歲年年此杯獻

後段仙母與左右挾並唱

綺席繡筵已呈千般之舞玉管

朱絃既奏九成之曲再拜階前相將好去

竹竿子退口號

金尺

太祖在潛邸時夢有神人授金尺

世宗朝徽象為舞

英宗丙戌進宴時御製維皇詞聖人詞尺刻天賜金尺受命之祥八字又

用生絹作簇子書維皇詞上丁樅以紅白綾垂流蘇掛於朱漆竿○女妓二人奉竹竿子一人奉簇子前進列立一人奉金尺一人奉黃蓋在後序

立十二人分左右作二行進退回舞

奉貞符之靈異美盛德之形容冀借優容式孚宴譽

竹竿子進口號

夢金尺受命之祥也

太祖潛邸夢受金尺漢陽開國聖

神休德于今幾百於千萬億奉金尺惟皇鑑之孔明兮吉夢

協于金尺清者耄矣兮直其戇緊有德焉是適位母與各帝

用度吾心兮俾均齊于家國貞哉厥符兮受命之祥傳于

及孫兮彌于千億並各除聖人有作萬物皆覩靈瑞續紛諸

福畢至長言不足式歌且舞於樂於倫君王萬壽再翌日夜未

闕上書改書進樂既奏於九成壽庸獻於萬歲再翌日夜未

及懽娛之極遽回敬戒之心拜辭而歸式燕以處竹竿子

獻仙桃宋時詞曲有仙呂宮王母祝之名歷朝做戲仙桃曲以為頌祝之樂我朝亦用之桃凡三顆以木彫成枝葉以銅鐵為之盛

之銀盤設戲桃卓於前卓之左右女妓二人分立桃向一人奉桃盤而進一人在東一人在西一人在後並北向舞久二人奉竹竿子分立其後

邈在鰲臺來朝鳳闕奉千年之美實呈萬祿之休祥敢冒

慈儀翌日會酌及夜燕時以宸殿改書謹進口號竹竿子昌辰嘉會賞

春光盛事當年億上陽堯顙再翌日會酌時喜瞻天北極舜衣

深拱

再翌日會酌時以七章恩侍改書進

殿中央歡聲浩蕩連韶曲和氣氤氳帶

御香

再翌日會酌時以七章恩侍改書進

壯觀太平何以報蟠桃一朵獻千祥

棋致

日暖風和春更遲是太平時我從蓬島整容姿來降

賀丹墀

仙母與左右挾并唱

東風報暖到頭嘉氣漸融怡巍峨鳳闕起

鼇山萬仞爭聳雲涯梨園弟子齊奏新曲半是填篴見滿

筵簪紳醉飽頌鹿鳴詩

左右並唱

海東今日太平天喜望龍雲

慶會筵尾扇初開明黼座

再翌日會酌時以齊坐改書進

畫簾高捲罩祥烟梯

航交湊端門外玉帛森羅殿陛前妾獻皇齡

再翌日會酌時以容齡改書進

千

萬歲封人何更祝遐年

仙母

歛霞裾而小退指雲路以言

旋再拜階前相將好去

竹竿子退口號

壽延長

宋時樂譜有仙呂宮延壽樂又有長壽樂用於慶節上壽麗朝作壽延長樂四隊並立循環而舞手朝宴禮亦用之○女妓二

人奉竹竿子前進相向八人分二行作四隊相對而舞

靄雲繞殿布禎祥瑞日曔曔映聖光再翌日會酌時以重映光改書進萬方歸

順來拱手梨園樂部奏中腔竹竿子進口號彤雲映彩色相映御座

中天再翌日會酌時以青仗分開改書進簇簪纓萬花鋪錦滿高庭慶啟需宴歡

聲各除千齡啓統樂功成同意賀元珪豐擎寶觴頻舉俠

羣英萬萬載樂昇平各除青春玉殿和風細奏簫韶紀繹

瑞繞行雲飄飄曳泛金尊流霞艷溢瑞日暉暉臨丹展廣

布慈德翌日會酌時以聖德改書進再震遐邇願聽歌聲舞綴萬

萬年仰瞻宴啓各除太平時節好風光玉殿深深日正長

花雜壽香薰綺席天將美祿泛金觴竹竿子退口號

響鈴戊申御製○唐時燕樂法曲有銅鈸相和之樂我朝鄉樂倣用之

人在前一人後又四人作二隊在其後各繫鈴於左右手指並北向適樂節搖響而舞

玉殿瑤宮奏管絃列神仙鳳衫麟帶拖香烟舞翩翩惟願

從今 王母壽永齊天春風澹蕩百花前萬年年

並務頭

花

暖瑤池敞繡屏迴聞鸞吹下青冥飛瓊試舞新翻曲連理

雙環百子鈴

中拍並唱

紫袖金鈴赴節催回風吹雪錦筵開翔

隨彩鳳乘雲至并學神黿駕海來拍裏萱芽呈北極曲中

蘭葉長南陵君王

再翌日夜讌時以青宮改書進

更作斑衣舞歲歲親擎萬歲

杯

並尾後唱

牙拍

已丑睿製○睿註原有唱詞而率皆卑俚之方言難以解聽故有是詞而歌之○拍用六板擊之以為舞節宋時樂舞有牙拍之名

我朝用於鄉樂呈才○女妓四人各執牙拍隨拍聲擊牙拍而舞

百寶香身嫋嫋來輕盈妙舞芙蓉臺十二慢腔動動樂曲

終宛轉拍聲催

並唱

寶相舞

已丑睿製○法苑珠林緊陀羅王屯崙摩彈琴歌聲以諸法寶相讚佛大迦葉等皆作舞圖書集成唐樂志曰漢有槃舞晉世

謂之杯槃舞○設寶相盤盤中置蓮花缸女妓一人奉花立於盤之東一人奉筆立於盤之西六人分三隊前隊二人各執彩毬舞而俯投缸如拋

毬樂形中隊後除隨
前隊舞退次次進舞

翠幕華筵繞瑞日綺羅千隊好新粧各除並唱五雲樓閣聞仙

樂百寶闌干拂霓裳第一隊左並唱錦帳初開彩袖色玉簾且捲

繡毬香第二隊左並唱花間簫鼓莫催曲只恐花身落舞場第三隊左右並

唱

佳人剪牧丹

已丑睿製○淵鑑類函宋樂舞十隊四曰佳人剪牧丹衣紅生色砌衣戴金鳳冠剪牧丹花○受牧丹花檣於

盤舞妓十二人環立於樽邊各取樽花一枝進退旋轉而舞

萬朶先開照殿紅姚黃魏紫妒玲瓏新翻玉笛清平樂別

樣仙香撲蝶風並唱

演百福之舞

已丑睿製仙母致語前段後段今番改製○女妓二人奉竹竿子東西分立四人在後一行立一人隨其後並

北向相變而舞

住在大羅天上來朝聖人宮中演無疆百福之祥呈太平

萬歲之舞敢冒眉彩庸進口號竹竿子欽惟再翌日會酌時我

慈聖翌日會酌時以聖上改書進再德化再翌日會酌時隆盛福祿無疆

享華封之三祝躋天保之九如茲當慶會載敷祝嘏以百

福長演之曲歌之而頌也仙母致語天休啓我東方仁風化日

寶祚靈長朝金門拜玉堂百合香烟九霞觴鸞鳴和鳳歸

昌於千歲樂未央前段仙母與左右挾並唱太平烟月朝元殿兩行歌舞

羅曲讌再拜陳三願一願龜齡鶴壽二願星輝海潤三願

康衢謠擊壤歌羣生老少同懽忭後段仙母與左右挾並唱雅奏既闋仙

侶言旋再拜階前相將好去竹竿子退口號

舞山香已丑睿製○唐汝南王維常帶研絹帽打曲上自摘紅檀花實之帽簷奏此一曲圖書集成東坡李陶子詩誰同研光帽一曲

舞山香設玳瑁盤制如度床舞妓一人登盤而舞

衆中偏得君王笑再翌日夜燕時以青宮晨奏句天樂改書進催換香羅窄袖衣遊響

新歌鶯囀樹倚風輕舞拂雲飛

舞鼓

已止容製○漢時有鞞舞鞞小鼓也蓋用鼓節為舞麗朝詩中李混得浮查於海上作舞鼓仍為時用鄉樂○女妓四人各執鼓隨

樂節擊鼓而舞四人環立於外分作挾舞

鏤月為歌扇裁雲作舞衣因風回雪影還似燕雙飛

並

拋毬樂

宋時女子除舞有拋毬樂隊麗朝以端午節為拋毬樂女妓當殿唱詞我朝宜禮亦飲用之用朱漆木作毬門畫龍鳳飾以彩

緞門上開一孔為風流眼以彩毬仰拋○女妓二人奉竹竿于前進而一人奉花立於毬門之東一人奉筆立於毬門之西十二人分二隊隨

二人各執彩毬而仰拋餘除隨前隊而退次大進舞

雅樂鏗鏘於麗景妓童部列於香階爭呈綽約之姿共獻

蹁躑之舞冀容入隊以樂以娛

竹竿子進口號

寶箏瓊瓊曲調鼓花

奴腔永新歌宛轉蠻舞一雙雙

第一隊左有並唱

翡翠簾前拋繡過

窄羅衫子緊裹頭玉纖高指紅絲網羸取筵前第一籌

除左右並唱

粉面嬌嬌列兩行歌聲十二遏雲祥笑回星眼傾簪

玳不覺花枝墜舞場第三隊左簫鼓聲聲苦莫催彩毬高下

且徘徊輕拋正透紅門過共獻君王再翌日會酌時以青宮改書進萬壽杯第四

隊左右並唱五花心裏看拋毬香腮紅嫩柳烟稠清歌疊鼓連催

促這裏不讓第三籌第五隊左聞道拋毬喜更忙走臨鸞鑑

略勻粧輕招羣隊伴紅袖只有微心管舊香第六隊左七般

妙舞已呈飛燕之奇數曲清歌且冀貫珠之美五音齊送

六律相催再拜階前相將好去竹竿子

五羊仙文獻備考唐李羣玉舊蒲洲詩五仙騎五羊竹代降茲鄉仍為舞名○女妓二八奉竹竿子前進相向四人分二隊四方立一

人在其中相變而舞

雲生華嶽日轉鰲山悅逢羊駕之真仙並結鸞驂之上侶

雅奏值於儀鳳華姿妙於翩鴻冀借優容許以入隊竹竿子進口號

式歌且舞聊申頌禱之情俾熾而昌用贊延洪之祚妾等

無任激切屏營之至

仙母致語

碧烟籠繞海波閒江上數峯寒

珮環聲裏異香飄落人間弭絳節五雲端

仙母與左右挾並唱

宛然共

指嘉禾瑞微一笑破朱顏九重曉闕望中三祝堯天萬萬

載對南山

仙母與左右挾並唱

縹緲三山島十萬歲方分昏曉春風開

遍碧桃花爲東君一笑祥飈暫引香塵到祝堯齡後天難

老瑞烟散碧歸雲弄暖一聲長嘯

仙母與左右挾並唱

歌清儀鳳舞妙

回鸞整環珮以言歸指蓬瀛而却步百花沉烟紅日晚一

聲遼鶴白雲深再拜階前相將好去

竹竿子退口號

寰海塵清共感

昇平之化瑤臺路隔遽回汗漫之遊未敢自專伏候進止

仙母致語

荷皇恩

太宗受皇帝詔命國人懽忭作荷皇恩詞英宗癸亥進宴時御製以受命朝鮮再造藩邦二詞改致語及詞用簾子同金

尺○女妓二人奉竹竿子一人奉簇子前進列立二人在前一人在左一人在右一人在中二人在後相變而舞

特荷天子之恩乃正厥位載歌吾君之德以矢其音敢冒

慈儀庸陳口號

竹竿口號進口號

國朝開創受皇命于朝鮮逮于中葉

再蒙恩於我皇新製其章永垂皇恩

仙母致語

受命朝鮮兮定

都漢陽九章輝映兮八音鏘鏘繼繼承承兮垂恩東方再

造藩邦兮景受皇恩朝宗屹然兮遙拜五雲新製其章兮

續編舊文重熙綿綿兮於萬其年追慕聖德兮繼述光先

敬作歌頌兮拜獻禮筵

仙母與各隊並唱

式燕以娛禮聿成於既洽

俾昌而熾壽願享於無疆樂節將終拜辭小退

竹竿子退口號

春鶯轉

已丑容製○淵鑑類函唐高宗開鶯聲工白命建寫之設單席舞妓一人立於席上進退旋轉不離席上而舞

娉婷月下步羅袖舞風輕最愛花前態君王任多情

再翌日會酌時

以青宮任春情改書進

響鉞

用鉞為之繫於左右手和擊為舞節唐時燕樂法尚有鉞和之樂我朝鄉樂倣用之○女妓四人各繫鉞於左右手隨舞節

擗鉞而舞

縹緲三山島十萬歲方分昏曉春風開遍碧桃花爲東君一笑祥飈暫引香塵到祝堯齡後天難老瑞烟散碧歸雲弄暖一聲長嘯

並唱

蓮花臺舞

麗朝有蓮花臺舞用二女童鮮衣幅藏二蓮花中花共兩後見戴蛤笠著丹衣分兩隊迭舞我朝宴禮亦倣之

女妓二人奉竹竿子前進相向兩童妓在前兩女妓在後各相對而舞

綺席光華卜晝開千般樂事一時來蓮房化出英英態妙

舞妍歌不世才

竹竿子進口號

住在蓬萊下生蓮藥有感君王之德

化來呈歌舞之歡娛

童妓並唱

雅樂將終拜辭華席仙輶欲返

遙指雲程

竹竿子退口號

尖袖舞

此以下只呈才而不呈唱詞故不載一舞者手無所執翻覆其手按節而舞俗稱葉舞英宗朝命樂院改稱尖袖舞○女妓

四人繫紅色尖袖於五色汗衫分二隊相對而舞

建興義九

丁亥

卷一

樂章

致詞

船遊樂

設彩船諸妓分立為行船樣曳纜繞船而舞世傳自新羅時有之○兩童妓登船分立於帆前帆後女妓二人戴朱笠插羽著

天翼佩劍弓矢列立於船前作號令執事每妓六人分立於船邊左右各執船索作內舞二十八人環立作外舞聽令行船並唱漁父詞而回舞○

歌詞貞諒相雜故不載

劍器舞

雜舞曲云中巾舞也項莊舞劍項伯以袖隔之若語莊云公莫後為劍舞又稱劍器舞鄉樂用之○女妓四人戴戰笠著戰服各

持二劍分二隊相對而舞

鶴舞

用竹為兩鶴以青白羽衣之兩舞童藏其中回翔而舞啄開蓮筒而退兩童妓出蓮葉以後為蓮花臺舞

致詞

御製萬慶殿進饌時親上致詞

國王臣

恭遇光緒十三年正月二十七日

孝裕獻聖

宣敬正仁慈惠弘德純化文光元成肅烈明粹協天隆穆

壽寧禧康顯定徽安欽倫洪慶大王大妃殿下

紅猗我

聖母思齊太任萱暉長樂八旬伊今功隆玉牒慶溢瑤觴

東溟注筭南極騰光簡元辰良式燕以敖願言難老更進
瑤桃臣不勝慶忭之至謹上千千歲壽

王妃親上致詞

王妃妾閔氏恭遇光緒十三年正月二十七日 孝裕獻

聖宣敬正仁慈惠弘德純化文光元成肅烈明粹協天隆

穆壽寧禧康顯定徽安欽倫洪慶大王大妃殿下紅籤萱暉

添春光躋大耄涵海弘德彌宇崑烈愛日 宸誠志喜采

切將順摛謙奉觴維潔雲韶夏和花帽簇列景籙滋至萬

姓歡悅妾不勝慶忭之至謹上千千歲壽奎章閣提片臣金永壽製進

王世子親上致詞

王世子臣 恭遇光緒十三年正月二十七日 孝裕獻

聖宣敬正仁慈惠弘德純化文光元成肅烈明粹協天隆

穆壽寧禧康顯定徽安欽倫洪慶大王大妃殿下紅籤太母

壽考 寶籌八旬鬼乎難名大德至仁閭澤海深吉祥川

臻堯樽舜樂飾慶上春需雲葱籠瑞靄氤氲同我太平舞

蹈子民臣不勝慶忭之至謹上千千歲壽

右賓客臣金永壽製進

王世子嬪進上致詞

王世子嬪妾閔氏恭遇光緒十三年正月二十七日 孝

裕獻聖宣敬正仁慈惠弘德純化文光元成肅烈明粹協

天隆穆壽寧禧康顯定徽安欽倫洪慶大王大妃殿下紅籤

周祐魯祉 王母受茲屋籌方添八旬介眉廣慶賁飾一

德謙撫有我家禮瑤觴瓊詞舞回長春樂和咸池貽謨裕

後百祿是滋妾不勝慶忭之至謹上千千歲壽

奎章閣提學臣金永壽製進

左命婦致詞

左命婦貞敬夫人妾金氏等恭遇光緒十三年正月二十
七日 孝裕獻聖宣敬正仁慈惠弘德純化文光元成肅
烈明粹協天隆穆壽寧禧康顯定徽安欽倫洪慶大王大
妃殿下紅籤周任思齊魯母喜燕天地慈覆山海恩眷 寶
齡大耄第祿湊荐元春上壽瑤觴珠饌鳳韶迎和萬慶寶
殿廷紳鵠立載欣載忭妾等不勝慶忭之至謹上千千歲
壽製上同

右命婦致詞

右命婦貞夫人妾徐氏等恭遇光緒十三年正月二十七
日 孝裕獻聖宣敬正仁慈惠弘德純化文光元成肅烈
明粹協天隆穆壽寧禧康顯定徽安欽倫洪慶大王大妃
殿下紅籤周任思齊魯母喜燕天地慈覆山海恩眷 寶齡

大耋第祿湊荐元春上壽瑤觴珠饌鳳韶迎和萬慶寶殿
廷紳鵠立載欣載忭妾等不勝慶忭之至謹上千千歲壽

製上同

宗親致詞

上輔國崇祿大夫完平君臣昇應等恭遇光緒十三年正
月二十七日 孝裕獻聖宣敬正仁慈惠弘德純化文光
元成肅烈明粹協天隆穆壽寧禧康顯定徽安欽倫洪慶
大王大妃殿下紅籤周任思齊魯母喜燕天地慈覆山海恩
眷 寶齡大耋第祿湊荐元春上壽瑤觴珠饌鳳韶迎和
萬慶寶殿廷紳鵠立載欣載忭臣等不勝慶忭之至謹上
千千歲壽 製上同

儀賓致詞

上輔國崇祿大夫南寧尉臣尹宜善恭遇光緒十三年正月二十七日 孝裕獻聖宣敬正仁慈惠弘德純化文光元成肅烈明粹協天隆穆壽寧禧康顯定徽安欽倫洪慶大王大妃殿下紅籤周任思齊魯母喜燕天地慈覆山海恩眷 寶齡大耄第祿湊荐元春上壽瑤觴珠饌鳳韶迎和萬慶寶殿廷紳鵠立載欣載忭臣等不勝慶忭之至謹上千千歲壽製上同

戚臣致詞

正憲大夫議政府右叅贊臣金壽鉉等恭遇光緒十三年正月二十七日 孝裕獻聖宣敬正仁慈惠弘德純化文光元成肅烈明粹協天隆穆壽寧禧康顯定徽安欽倫洪慶大王大妃殿下紅籤周任思齊魯母喜燕天地慈覆山海

恩眷 寶齡大耄第祿湊荐元春上壽瑤觴珠饌鳳韶迎
和萬慶寶殿廷紳鵠立載欣載忭臣等不勝慶忭之至謹
上千千歲壽

製上同

御製萬慶殿夜進饌時親上致詞

國王臣 恭遇光緒十三年正月二十七日 孝裕獻聖
宣敬正仁慈惠弘德純化文光元成肅烈明粹協天隆穆
壽寧禧康顯定徽安欽倫洪慶大王大妃殿下
工籤瞻彼瑞
穆並耀壽星 聖母膺受既安且寧百緣是總八旬伊始
載歌載舞誠展燕喜銀燭篆紅霞觴潭碧億載萬年願如
今夕臣不勝慶忭之至謹上千千歲壽

王世子親上致詞

王世子臣 恭遇光緒十三年正月二十七日 孝裕獻

聖宣敬正仁慈惠弘德純化文光元成肅烈明粹協天隆
穆壽寧禧康顯定徽安欽倫洪慶大王大妃殿下紅長樂
燕喜宸孝有光三元上吉導和迎祥品物咸蘇第祿以
康樂衍舞僊是夜未央紅映銀燭碧溢霞觴爲聖人祝
萬年無疆臣不勝慶忭之至謹上千千歲壽右賓客臣金永壽製進

萬慶殿翌日會酌時命婦致詞

命婦貞敬夫人妾金氏等恭遇光緒十三年正月二十八

日恭惟統天隆運肇極敦倫主上殿下紅慈德覆天

聖孝準海萬壽稱觴南極呈彩妾等不勝慶忭之至謹上

千千歲壽

行戶曹判書鄭範朝製

進饌所堂上郎廳致詞

進饌所堂上崇祿大夫行戶曹判書臣鄭範朝等恭遇光

緒十三年正月二十八日恭惟 統天隆運肇極敦倫主

上殿下

紅籤

需雲釀和樂奏勺天簪笏獻頌於萬於千臣等

不勝慶忭之至謹上千千歲壽

製上同

萬慶殿夜讌時進饌所堂上郎廳致詞

進饌所堂上崇祿大夫行戶曹判書臣鄭範朝等恭遇光

緒十三年正月二十八日恭惟 統天隆運肇極敦倫主

上殿下

紅籤

式讌以娛夜氣凝祥斟霞進桃祝萬年長臣等

不勝慶忭之至謹上千千歲壽

製上同

萬慶殿再翌日會酌時命婦致詞

命婦貞敬夫人妾金氏等恭遇光緒十三年正月二十九

日恭惟

王世子邸下

紅籤

任德播徽舜孝彌光寓照繼明

歡均四方妾等不勝慶忭之至謹上千千歲壽

製上同

進饌所堂上郎廳致詞

進饌所堂上崇祿大夫行戶曹判書臣鄭範朝等恭遇光
緒十三年正月二十九日恭惟 王世子邸下紅元春燕
喜長樂稱觴載歌四重承筐是將臣等不勝慶忭之至謹

上千千歲壽

製上同

萬慶殿夜讌時進饌所堂上郎廳致詞

進饌所堂上崇祿大夫行戶曹判書臣鄭範朝等恭遇光
緒十三年正月二十九日恭惟 王世子邸下紅銀燭舞
紅霞觴斟碧君子式讌永以今夕臣等不勝慶忭之至謹

上千千歲壽

製上同

箋文

御製萬慶殿進饌時親上箋文

國王臣 恭遇光緒十三年正月二十七日休運誕屆於
三元 慈齡彌卽於八耄知年微悃齊天遐祈臣不勝欣
慶之至謹奉箋稱賀者臣 誠懼誠忤稽首稽首上言伏
以山呼咸期於千歲仰周壺齊徽之音海籌益添於八旬
頌魯宮燕喜之壽恭爲子職禮遵已行恭惟 孝裕獻聖
宣敬正仁慈惠弘德純化文光元成肅烈明粹協天隆穆
壽寧禧康顯定徽安欽倫洪慶大王大妃殿下紅籤五福曰
康千乘之養萱陞日永三朝勤視膳之誠桂掖春回前星
供含飴之樂猗 寶齡儼躋於大耄伊縟禮誕舉於元辰
伏念臣叨承洪基偏荷 慈覆聽鷄問寢効愛日之微忱
稱兕躋堂喜祈天之永命臣無任望天仰聖激切屏營之
至謹奉箋稱賀以聞

王世子親上箋文

王世子臣 恭遇光緒十三年正月二十七日長樂躋八
耄之壽元春進萬壽之觥慶溢 宗祊歡均區宇臣不勝
欣慶之至謹奉箋稱賀者臣 誠懼誠忭稽首稽首上言
伏以 聖人篤隆養之孝迓景錄於永年 太母躋大耄
之齡奉壽觴於端月萱春日吉樞域雷懼恭惟 孝裕獻
聖宣敬正仁慈惠弘德純化文光元成肅烈明粹協天隆
穆壽寧禧康顯定徽安欽倫洪慶大王大妃殿下紅居太
上尊爲女中聖猗簾帷之神化 宗社賴再奠之安亦併
懔之 慈仁天地由積累而大屬當 寶齡滿八旬之慶
迺有上春進五爵之儀伏念臣偏荷含飴猥叨主鬯瑤觴
珠饌爰舉我家禮已行彤庭琅函益頌大德壽必得臣無

進餽儀車

卷一

任望天仰聖激切屏營之至謹奉箋稱賀以聞

右賓客臣金永壽製進

儀註

萬慶殿進饌儀

其日尚寢率其屬設

大王大妃殿座於萬慶殿北壁南

向寶案於座東香案二於殿外左右又設大次於萬慶殿

東閣女執事設

殿下侍坐位於簾外東階上近東西向

女官設

王妃侍坐位於殿內近西東向女執事設

王

世子侍坐位於

殿下座之南稍東西向女官設

王世

子嬪侍坐位於

王妃座之南稍西東向女執事設

殿

下致詞箋文案於簾外東階上女官設

王妃致詞案於

簾內西階上女執事設

王世子致詞箋文案於

殿下

致詞箋文案之東稍退女官設

王世子嬪致詞案於

王妃致詞案之西稍退掌樂院備樂陳呈才舞於殿之南
階上設女執事舉麾位於殿之西階上近西東向典賓設
左右命婦侍位於簾內東西階上北向女執事陳儀仗於
殿門外及簾外階上東西如常女執事設 殿下褥位於
簾外當中北向女官設 王妃褥位於簾內西階上近西
北向女執事設 王世子褥位於 殿下褥位之後當中
北向女官設 王世子嬪褥位於 王妃褥位之後近西
北向典賓設左右命婦拜位於楹外簾內分東西俱近南
北向女官設 殿下 王妃 王世子 王世子嬪進爵
褥位於楹內當中北向典賓設命婦班首進爵位於楹外
簾內近西北向女執事設宗親儀賓戚臣進饌所堂上郎
廳拜位於大有門外東西階上北向女執事設 殿下小

次於萬慶殿近地隨地之宜近東西向女官設 王妃小次於

萬慶殿西階上隨地之宜女執事設 王世子小次於 殿下

小次之南隨地之宜女官設 王世子嬪便次於 王妃小次

之南隨地之宜司贊典賓典言典贊位於簾內階上左右在南

差退俱北上相向設贊唱司唱女執事位於簾外階上左

右在南差退俱北上相向尚食設壽酒亭及茶亭於簾內

東階上女執事設揮巾卓於簾外東階上又設 殿下酒

亭及茶亭進花兼揮巾卓於簾外東階上司贊設 王妃

酒亭及茶亭進花兼揮巾卓於簾內西階上女執事設

王世子酒亭及茶亭進花兼揮巾卓於 殿下酒亭之東

稍退女官設 王世子嬪酒亭及茶亭進花兼揮巾卓於

王妃酒亭之西稍退典飾設左右命婦酒卓及致詞案於

簾內階上東西俱近南頒花卓於簾內近南女官頒花兼設女執事

設宗親儀賓戚臣酒卓及致詞案頒花卓於簾外東階上

近南進饌所堂上郎廳酒卓及頒花卓兼設又工伶頒花兼設進饌所堂上郎廳陪 殿下致

詞箋文函 王妃致詞函 王世子致詞箋文函 王世

子嬪致詞函左右命婦宗親儀賓戚臣致詞隨後細仗鼓吹前導至大有門外請

尚傳以入各置於案前三刻女官俱詣內閣伺候前二刻

典贊引左右命婦各具禮服入就外位女執事引宗親儀賓戚

臣進饌所堂上郎廳各服黑領入就外位守閨詣 王世子嬪

閣外跪贊請內嚴少頃又白外備 王世子嬪具禮服以

出守閨前引入便次女執事詣 王世子閣外跪贊請內

嚴少頃又白外備 王世子具翼善冠袞龍袍以出女執

事前導入小次女官詣 王妃閣外跪啓請中嚴少頃又

啓外辦 王妃加首飾具翟衣以出女官前導入小次女

執事詣 殿下閣外跪啓請中嚴少頃又啓外辦 殿下

具翼善冠袞龍袍以出女執事前導入小次前一刻尙儀

詣 大王大妃殿閣外跪啓請中嚴少頃又啓外辦 大

王大妃殿加首飾具翟衣以出尙宮前導入大次女執事

引宗親儀賓戚臣進饌所堂上郎廳入就拜位典賓引左

右命婦入就拜位守閨詣 王世子嬪使次前跪贊請出

次行禮女官前引入詣褥位北向立總扇陪衛分左右女執事詣

王世子小次前跪贊請出次行禮女執事俯伏舉麾奏重

光之曲井邑慢機令女執事前導入詣簾外褥位北向立總扇陪衛

樂止女官詣 王妃小次前跪啓請出次行禮女執事俯

伏舉麾奏慶太平之曲樂令女官前導入詣褥位北向立

繖扇侍衛分左右

樂止女執事詣

殿下小次前跪啓請出次行禮

女執事俯伏舉麾奏帝壽昌之曲

與民樂令

女執事前導入詣

簾外褥位北向立

繖扇侍衛分左右

樂止尚儀跪啓請禮儀既備請

出次尚宮導

大王大妃殿以出女執事俯伏舉麾奏長

生寶宴之樂呈長生寶宴之舞

菩薩疊

尚宮導

大王大妃

殿陞座爐烟升捲簾繖扇侍衛如常儀樂止司唱二人分

東西唱於赫五章女執事俯伏舉麾奏萬壽永無疆引

與民

樂令

司贊曰四拜典贊唱鞠躬四拜興平身

殿下

王妃

王世子

王世子嬪鞠躬四拜興平身左右命婦宗親儀

賓戚臣進饌所堂上郎廳鞠躬四拜興平身樂止尚食詣

壽酒亭整酒器女執事俯伏舉麾奏祝華之曲

鄉唐交奏

進第

一爵典贊唱跪

殿下

王妃

王世子

王世子嬪跪

左右命婦宗親儀賓戚臣進饌所堂上郎廳跪女執事奉

揮巾函跪進于殿下前殿下受函還授女執事女執

事以受奉于簾外尚食傳捧跪進于大王大妃殿座前

進匙櫟凡進饌進味等時兼進于擊奉止於簾外女官傳捧進于案下飲此樂止女執事俯伏舉麾

奏慶豐樂之曲鄉唐交奏女執事擎奉御饌于簾外尚食以受

進于大王大妃殿座前樂止女執事俯伏舉麾奏壽齊

天之曲鄉唐交奏樂止典贊唱俯伏興平身殿下王妃

王世子王世子嬪俯伏興平身左右命婦宗親儀賓戚

臣進饌所堂上郎廳俯伏興平身女執事俯伏舉麾奏慶

春光之曲鄉唐交奏典贊唱進花女執事進殿下花女官進

王妃花女執事進王世子花女官進王世子嬪花樂

止女執事俯伏舉麾奏艷陽春之曲鄉唐交奏樂止典贊唱頌

花典飾頒左右命婦花女執事頒宗親儀賓戚臣進饌所
堂上郎廳花司唱二人分東西唱先唱樂章訖女執事俯
伏舉麾奏堯天舜日之曲呈夢金尺之舞原舞曲女執事導
殿下詣簾外女官承導詣壽酒亭尙食開尊蓋以勺酌酒
盛於瓶以瓶取酒於爵鞠躬進 殿下前 殿下跪受爵
詣 大王大妃殿座前典贊唱跪 殿下 王妃 王世
子 王世子嬪跪左右命婦宗親儀賓戚臣進饌所堂上
郎廳跪 殿下以爵授尙食尙食受爵跪進于 大王大
妃殿座前進味數典贊唱俯伏興平身 殿下 王妃
王世子 王世子嬪俯伏興平身左右命婦宗親儀賓戚
臣進饌所堂上郎廳俯伏興平身女官導 殿下出簾外
女執事前導還就褥位樂止典贊唱跪 殿下 王妃

王世子 王世子嬪跪左右命婦宗親儀賓戚臣進饌所

堂上郎廳跪代致詞女執事進當簾外北向跪讀訖致詞還置於案

下做展箋女執事二人對舉箋案北向跪讀箋女執事進

當箋案南北向跪讀訖展箋女執事以箋文還置於案下做此女執事俯伏舉麾

奏八千爲春之典鄉唐交奏大王大妃殿舉爵尚食進受虛爵

復於壽酒亭典贊唱俯伏興平身 殿下 王妃 王世

子 王世子嬪俯伏興平身左右命婦宗親儀賓戚臣進

饌所堂上郎廳俯伏興平身樂止典贊唱跪 殿下 王

妃 王世子 王世子嬪跪左右命婦宗親儀賓戚臣進

饌所堂上郎廳跪尚宮進當榻下跪承傳教俯伏興出楹

外簾內東向立稱有教宣教曰稱觴之辰與 殿下同之

典贊唱俯伏興平身 殿下 王妃 王世子 王世子

嬪俯伏興平身左右命婦宗親儀賓戚臣進饌所堂上郎

廳俯伏興平身女執事導 殿下就簾外西向座女執事

俯伏舉麾奏殿前歡之曲鄉唐交奏 尚食進鹽水樂止女執事

俯伏舉麾奏喜新春之曲鄉唐交奏 女執事擎奉小膳于簾外

尚食以受進于 大王大妃殿座前樂止女執事俯伏舉

麾奏萬年長歡之曲鄉唐交奏 尚食進湯樂止女執事俯伏舉

麾奏景錄無疆之曲鄉唐交奏 尚食進大膳樂止女執事俯伏

舉麾奏岡陵之曲鄉唐交奏 尚食進饅頭樂止女執事俯伏舉

麾奏長春不老之曲呈獻仙桃原曲 進第二爵女官導

王妃詣壽酒亭尚食開尊蓋以勺酌酒盛於瓶以瓶取酒

於爵鞠躬進 王妃前 王妃跪受爵詣 大王大妃殿

座前典贊唱跪 王妃 王世子 王世子嬪跪左右命

婦宗親儀賓戚臣進饌所堂上郎廳跪 王妃以爵授尚
食尚食受爵跪進于 大王大妃殿座前進味數典贊唱
俯伏興平身 王妃 王世子 王世子嬪俯伏興平身
左右命婦宗親儀賓戚臣進饌所堂上郎廳俯伏興平身
女官導 王妃還就褥位樂止典贊唱跪 王妃 王世
子 王世子嬪跪左右命婦宗親儀賓戚臣進饌所堂上
郎廳跪代致詞女官進當榻前北向跪讀訖女執事俯伏
舉麾奏天保九如之曲鄉唐交奏 大王大妃殿舉爵尚食進受
虛爵復於壽酒亭典贊唱俯伏興平身 王妃 王世子
王世子嬪俯伏興平身左右命婦宗親儀賓戚臣進饌所
堂上郎廳俯伏興平身樂止典贊唱跪 王妃 王世子
王世子嬪跪左右命婦宗親儀賓戚臣進饌所堂上郎廳

跪尚宮進當榻下跪承傳教俯伏興出臨階西向立稱有教宣教曰稱觴之辰與王妃同之典贊唱俯伏興平身

王妃 王世子 王世子嬪俯伏興平身左右命婦宗親

儀賓戚臣進饌所堂上郎廳俯伏興平身女官導 王妃

就簾內東向座女執事俯伏舉麾奏天下太平之曲鄉唐交奏

尚饌進茶尚食傳捧置于茶卓樂止女執事俯伏舉麾奏

壽曜南極之曲呈壽延長原舞曲進第三爵女執事導 王

世子詣簾外女官承導詣壽酒亭尚食開尊蓋以勺酌酒

盛於瓶以瓶取酒於爵鞠躬進 王世子前 王世子跪

受爵詣 大王大妃殿座前典贊唱跪 王世子 王世

子嬪跪左右命婦宗親儀賓戚臣進饌所堂上郎廳跪

王世子以爵授尚食尚食受爵跪進于 大王大妃殿座

前進味數典贊唱俯伏興平身 王世子 王世子嬪俯

伏興平身左右命婦宗親儀賓戚臣進饌所堂上郎廳俯

伏興平身女官導 王世子出簾外女執事前導還就褥

位樂止典贊唱跪 王世子 王世子嬪跪左右命婦宗

親儀賓戚臣進饌所堂上郎廳跪代致詞女執事進當簾

外北向跪讀訖展箋女執事二人對舉箋案北向跪讀箋

女執事進當箋案南北向跪讀訖女執事俯伏舉麾奏日

升月恆之曲

鄉唐文奏

大王大妃殿舉爵尚食進受虛爵復於

壽酒亭典贊唱俯伏興平身 王世子 王世子嬪俯伏

興平身左右命婦宗親儀賓戚臣進饌所堂上郎廳俯伏

興平身樂止典贊唱跪 王世子 王世子嬪跪左右命

婦宗親儀賓戚臣進饌所堂上郎廳跪尚宮進當榻下跪

承傳教俯伏興出楹外簾內東向立稱有教宣教曰稱觴之辰與王世子同之典贊唱俯伏興平身王世子

王世子嬪俯伏興平身左右命婦宗親儀賓戚臣進饌所堂上郎廳俯伏興平身女執事導王世子就簾外西向

座女執事俯伏舉麾奏永南山之曲呈響鈴舞

原舞曲

進第

四爵女官引王世子嬪詣壽酒亭尚食開尊蓋以勺酌

酒盛於瓶以瓶取酒於爵鞠躬進王世子嬪前王世

子嬪跪受爵詣大王大妃殿座前典贊唱跪王世子

嬪跪左右命婦宗親儀賓戚臣進饌所堂上郎廳跪王

世子嬪以爵授尚食尚食受爵跪進于大王大妃殿座

前進味數典贊唱俯伏興平身王世子嬪俯伏興平身

左右命婦宗親儀賓戚臣進饌所堂上郎廳俯伏興平身

女官引

王世子嬪還就褥位樂止典贊唱跪

王世子

嬪跪左右命婦宗親儀賓戚臣進饌所堂上郎廳跪代致

詞女官進當榻前北向跪讀訖女執事俯伏舉麾奏吉祥

之曲

鄉唐交奏

大王大妃殿舉爵尚食進受虛爵復於壽酒亭

典贊唱俯伏興平身

王世子嬪俯伏興平身左右命婦

宗親儀賓戚臣進饌所堂上郎廳俯伏興平身樂止典贊

唱跪王世子嬪跪左右命婦宗親儀賓戚臣進饌所堂

上郎廳跪尚宮進當榻下跪承傳教俯伏興出臨階西向

立稱有教宣教曰稱觴之辰與王世子嬪同之典贊唱

俯伏興平身

王世子嬪俯伏興平身左右命婦宗親儀

賓戚臣進饌所堂上郎廳俯伏興平身女官引

王世子

嬪就簾內東向座女執事俯伏舉麾奏萬年春之曲

鄉唐交奏

女執事捧揮巾進于殿下前進匙櫟女官捧揮巾進于
王妃前進匙櫟女執事捧揮巾進于王世子前進匙櫟
女官捧揮巾進于王世子嬪前進匙櫟女執事捧饌果
之案進于殿下前女執事捧饌果之案于簾外女官以
受進于王妃前女執事捧饌果之案進于王世子前
女執事捧饌果之案于簾外女官以受進于王世子嬪
前樂止女執事俯伏舉麾奏醉太平之曲呈牙拍舞原舞曲
進第五爵典賓引左命婦班首就進爵位典贊唱跪左命
婦班首以下跪尚食開尊蓋以勺酌酒盛於瓶以瓶取酒
於爵以授尚饌尚饌受之以授左命婦班首左命婦班首
跪受爵還授尚饌尚饌受之以授尚食尚食受爵跪進于
大王大妃殿座前進味數樂止典贊唱俯伏興平身左命

婦班首以下俯伏興平身典賓引左命婦班首還復位典贊唱跪左命婦班首以下跪代致詞女官進當榻前北向跪讀訖女執事俯伏舉麾奏天籙永昌之曲鄭唐交奏大王大妃殿舉爵尚食進受虛爵復於壽酒亭典贊唱俯伏興平身左命婦班首以下俯伏興平身樂止典贊唱跪左命婦班首以下跪尚宮進當榻下跪承傳教俯伏興出楹外簾內當中南向立稱有教宣教曰稱觴之辰與命婦同之典贊唱俯伏興平身左命婦班首以下俯伏興平身典贊唱跪右命婦班首以下跪代致詞女官進當榻前北向跪讀訖典贊唱俯伏興平身右命婦班首以下俯伏興平身典贊唱跪宗親班首以下跪代致詞女執事進當簾外北向跪讀訖典贊唱俯伏興平身宗親班首以下俯伏興平身

典贊唱跪儀賓跪代致詞女執事進當簾外北向跪讀訖

典贊唱俯伏興平身儀賓俯伏興平身典贊唱跪戚臣班

首以下跪代致詞女執事進當簾外北向跪讀訖典贊唱

俯伏興平身戚臣班首以下俯伏興平身致詞並權置案女執事俯

伏舉麾奏聖人無憂之曲鄉唐交奏女官引王世子嬪還詣

褥位女執事導王世子還詣褥位女官導王妃還詣

褥位女執事導殿下還詣褥位樂止典贊唱跪殿下

王妃王世子王世子嬪跪左右命婦宗親儀賓戚臣

進饌所堂上郎廳跪典贊唱三叩頭殿下王妃王

世子王世子嬪三叩頭左右命婦宗親儀賓戚臣進饌

所堂上郎廳三叩頭典贊唱山呼殿下王妃王世

子王世子嬪拱手加額曰千歲左右命婦宗親儀賓戚

臣進饌所堂上郎廳拱手加額曰千歲唱山呼曰千歲唱

再山呼曰千歲

凡呼千歲在位者齊聲應之

女執事俯伏舉麾奏樂萬歲

之曲

水龍吟

司贊曰四拜典贊唱俯伏興四拜興平身

殿

下王妃

王世子

王世子嬪俯伏興四拜興平身左

右命婦宗親儀賓戚臣進饌所堂上郎廳俯伏興四拜興

平身樂止女執事導

殿下還就座女官導

王妃還就

座女執事導

王世子還就座女官引

王世子嬪還就

座典賓引左右命婦就坐女執事引宗親儀賓戚臣進饌

所堂上郎廳就坐女執事俯伏舉麾奏嘉樂之曲

鄉唐交奏樂

止典膳宣左右命婦饌床女執事宣宗親儀賓戚臣進饌

所堂上郎廳饌床女執事俯伏舉麾奏箕疇五福之曲呈

寶相盤

原舞曲

女執事導

殿下詣簾外女官承導詣

大

王大妃殿座前典贊唱跪 殿下跪女執事詣 殿下酒

亭以爵酌酒奉于簾外尚食以受跪進于 大王大妃殿

座前 大王大妃殿受之以授尚食尚食跪受爵鞠躬進

殿下前 殿下受爵舉飲 在位者離位鞠躬 典贊唱俯伏興平身

殿下執爵俯伏興平身女官導 殿下出簾外女執事承

導至酒亭女執事跪受虛爵復於酒亭 在位者還跪位 女執事導

殿下還就座進味數樂止女執事俯伏舉麾奏演百福之

曲呈佳人剪牧丹 原舞曲 女官導 王妃詣 大王大妃殿

座前典贊唱跪 王妃跪女官詣 王妃酒亭以爵酌酒

跪進于 大王大妃殿座前 大王大妃殿受之以授尚

食尚食跪受爵鞠躬進 王妃前 王妃受爵舉飲 在位者離位鞠躬

典贊唱俯伏興平身 王妃執爵俯伏興平身女官導

王妃至酒亭尚食跪受虛爵復於酒亭在位者還就位女官導王

妃還就座進味數樂止女執事俯伏舉麾奏頌九如之曲

呈演百福之舞原舞曲女執事導王世子詣簾外女官承

導詣大王大妃殿座前典贊唱跪王世子跪女執事

詣王世子酒亭以爵酌酒奉于簾外尚食以受跪進于

大王大妃殿座前大王大妃殿受之以授尚食尚食跪

受爵鞠躬進王世子前王世子受爵舉飲在位者離位鞠躬典

贊唱俯伏興平身王世子執爵俯伏興平身女官導

王世子出簾外女執事承導至酒亭女執事跪受虛爵復

於酒亭在位者還就位女執事導王世子還就座進味數樂止女

執事俯伏舉麾奏慶春和之曲呈尖袖舞原舞曲女官引

王世子嬪詣大王大妃殿座前典贊唱跪王世子嬪

跪女官詣 王世子嬪酒亭以爵酌酒跪進于 大王大

妃殿座前 大王大妃殿受之以授尚食尚食跪受爵鞠

躬進 王世子嬪前 王世子嬪受爵舉飲有位者雖典贊

唱俯伏興平身 王世子嬪執爵俯伏興平身女官引

王世子嬪至酒亭尚食跪受虛爵復於酒亭在位者女官引

王世子嬪還就座進味數樂止女執事俯伏舉麾奏乾清

坤寧之曲呈舞山香原舞女執事進湯于 殿下前女官

進湯于 王妃前女執事進湯于 王世子前女官進湯

于 王世子嬪前樂止女執事俯伏舉麾奏萬方寧之曲

鄉唐女執事進饅頭于 殿下前女官進饅頭于 王妃

前女執事進饅頭于 王世子前女官進饅頭于 王世

子嬪前樂止女執事俯伏舉麾奏應天長之曲鄉唐女執

事進茶于 殿下前女官進茶于 王妃前女執事進茶

于 王世子前女官進茶于 王世子嬪前樂止女執事

俯伏舉麾奏風雲慶會之樂鄉唐交奏 尚食進別行果子 大

王大妃殿座前樂止女執事俯伏舉麾奏瑞雲曜日之曲

鄉唐交奏 女執事進別行果子 殿下前女官進別行果子

王妃前女執事進別行果子 王世子前女官進別行果

子 王世子嬪前樂止典膳行酒于左右命婦離位跪受飲訖就坐 女

執事行酒于宗親儀賓戚臣進饌所堂上郎廳離位跪受飲訖就坐 司

唱二人分東西唱後唱樂章訖女執事俯伏舉麾奏萬波

停息之曲呈船遊樂原拜曲 尚食退 大王大妃殿饌果之

案退匙櫟退揮巾女執事以受退出樂止女執事俯伏舉

麾奏山河玉曆長之曲鄉唐交奏 女執事退 殿下饌果之案

退匙櫟退揮巾女官退 王妃饌果之案退匙櫟退揮巾
女執事以受退出女執事退 王世子饌果之案退匙櫟
退揮巾女官退 王世子嬪饌果之案退匙櫟退揮巾女
執事以受退出樂止典膳撤左右命婦饌床女執事撤宗
親儀賓戚臣進饌所堂上郎廳饌床典贊唱可起女執事
引宗親儀賓戚臣進饌所堂上郎廳還就拜位典賓引左
右命婦還就拜位女官引 王世子嬪還詣褥位女執事
導 王世子還詣褥位女官導 王妃還詣褥位女執事
導 殿下還詣褥位女執事俯伏舉麾奏慶成之曲水龍吟
司贊曰四拜典贊唱鞠躬四拜興平身 殿下 王妃
王世子 王世子嬪鞠躬四拜興平身左右命婦宗親儀
賓戚臣進饌所堂上郎廳鞠躬四拜興平身樂止尙宮跪

啓禮畢典贊唱禮畢尚宮跪啓請解嚴女執事承教放仗

尚宮跪啓請降座女執事俯伏舉麾奏祝有餘之曲呈舞

鼓

原舞曲

尚宮導

大王大妃殿入大次降簾

綴扇侍衛止於大次外

樂

止典贊唱跪

殿下跪女執事奉致詞箋文函以次跪進

于殿下前

殿下受之以授女執事女執事以次跪受

以授尚記典贊唱俯伏興平身

殿下俯伏興平身女執

事進當褥位前跪承命

殿下命曰敬陪致詞箋文俯伏興平身女執事曰安承命敬陪致詞箋文

女執事

俯伏興詣簾外傳于女官

敬陪致詞箋文

女官跪承命女官還詣簾

內跪傳復命于女執事典贊唱跪

殿下跪女執事進當

褥位前跪啓復命

云安承命敬陪致詞箋文奉入訖復位

典贊唱俯伏興平身

殿下俯伏興平身典贊唱跪

王妃跪女官奉致詞山跪

進于

王妃前

王妃受之以授尚記典贊唱俯伏興平

身 王妃俯伏興平身女官進當 王妃前跪承命王妃命日敬陪

致詞女官俯伏興少退跪云謹承命敬陪致詞女官還詣 王妃前典贊唱跪 王妃跪

女官進當 王妃前跪啓復命云謹承命敬陪致詞奉入訖復位典贊唱俯伏

興平身 王妃俯伏興平身典贊唱跪 王世子跪女執

事奉致詞箋文函以次跪進于 王世子前 王世子受

之以授女執事女執事以次跪受以授尚記典贊唱俯伏

興平身 王世子俯伏興平身女執事進當褥位前跪承

令王世子令日敬陪致詞箋文俯伏興女執事俯伏興詣簾外傳于

女官敬陪致詞箋文女官跪承令女官還詣簾內跪傳復令于女執

事典贊唱跪 王世子跪女執事進當褥位前跪白復令

云安承令敬陪致詞箋文奉入訖復位典贊唱俯伏興平身 王世子俯伏興平

身典贊唱跪 王世子嬪跪女官奉致詞函跪進于 王

世子嬪前 王世子嬪受之以授尚記典贊唱俯伏興平

身 王世子嬪俯伏興平身女官進當 王世子嬪前跪

承令 王世子嬪令曰敬陪致詞女官備伏興少退跪云謹承令敬陪致詞 女官還詣 王世子嬪前典

贊唱跪 王世子嬪跪女官進當 王世子嬪前跪白復

令 云謹承令敬陪致詞奉入訖復位 典贊唱俯伏興平身 王世子嬪俯伏興

平身女執事俯伏舉麾奏五雲仙鶴引子 水龍吟 女執事導

殿下出小次女官導 王妃出小次女執事導 王世子

出小次女官引 王世子嬪出便次樂止典賓引左右命

婦出女執事引宗親儀賓戚臣進饌所堂上郎廳出

萬慶殿夜進饌儀

其日 進饌禮成後 大王大妃殿座位饌案及儀仗仍設 殿下座

位及饌案仍設 王世子座位及饌案仍設退 王妃

王世子嬪座位及饌案撤左右命婦宗親儀賓戚臣進饌

所堂上郎廳位次及床卓懸燈於殿內及簾外設紗籠燈

於簾外階上左右或懸或堅又設燭於殿內及簾外每如撤女

執事舉麾改設照燭麾呈才儀仗及樂器風物並仍用女官女執事女伶工人

等仍以其服各就位時至女執事詣王世子小次前跪

贊請內嚴少頃又白外備女執事詣殿下小次前跪啓

請中嚴少頃又啓外辦前一刻女執事詣王世子小次

前跪贊請出次行禮王世子仍具翼善冠袞龍袍插花

以出繖扇陪衛如常儀女執事俯伏舉麾奏天保之曲井邑

慢機女執事前導入詣簾外褥位北向立繖扇陪衛分左右樂止女

執事詣殿下小次前跪啓請出次行禮殿下仍具翼

善冠袞龍袍插花以出繖扇侍衛如常儀女執事俯伏舉

麾奏太平萬年之曲

與民樂令

女執事前導入詣簾外褥位北

向立

繖扇侍衛分左右

樂止尚宮詣大次前跪啓請出次陞座女執

事俯伏舉麾奏樂千秋之曲

與民樂令

尚宮前導 大王大妃

殿出次陞座捲簾懸燈樂止女執事俯伏舉麾奏獻天壽

之曲

水龍吟

司贊曰四拜典贊唱鞠躬四拜興平身

殿下

王世子鞠躬四拜興平身樂止典贊唱跪

殿下

王世

子跪女執事俯伏舉麾奏豐康之曲

鄉唐交奏

進酒器女執事

奉酒器于簾外尚食以受置于壽酒亭樂止女執事俯伏

舉麾奏泰寧之曲

鄉唐交奏

女執事奉揮巾函于簾外尚食傳

捧跪進于

大王大妃殿座前

進是標

樂止女執事俯伏舉

麾奏祥雲之曲呈拋毬樂

原舞曲

尚食進御饌女執事奉御

饌于簾外尚食以受進于

大王大妃殿座前典贊唱俯

伏興平身 殿下 王世子俯伏興平身樂止司唱二人

分東西唱先唱樂章訖女執事俯伏舉麾奏萬斯年之曲

鄉唐交奏女執事導 殿下詣簾外女官承導詣壽酒亭北向

立尚食酌酒于爵鞠躬進 殿下前 殿下跪受爵詣

大王大妃殿座前典贊唱跪 殿下 王世子跪 殿下

以爵授尚食尚食受爵跪進于 大王大妃殿座前樂止

典贊唱俯伏興平身 殿下 王世子俯伏興平身女官

導 殿下出簾外女執事承導還詣褥位典贊唱跪 殿

下 王世子跪代致詞女執事進當簾外當中北向跪讀

訖執拍女執事引歌者陞階就坐女執事俯伏舉麾奏壽

母千歲之曲雅古舊曲三絃三竹鼓大王大妃殿舉爵尚食進受

虛爵復於壽酒亭樂止歌者典贊唱俯伏興平身 殿下

王世子俯伏興平身女執事導 殿下就簾外西向座女

執事俯伏舉麾奏千年萬歲之曲鄉唐交奏女執事導 王世

子詣簾外女官承導詣壽酒亭北向立尚食酌酒于爵鞠

躬進 王世子前 王世子跪受爵詣 大王大妃殿座

前典贊唱跪 王世子跪 王世子以爵授尚食尚食受

爵跪進于 大王大妃殿座前樂止典贊唱俯伏興平身

王世子俯伏興平身女官導 王世子出簾外女執事承

導還詣褥位典贊唱跪 王世子跪代致詞女執事進當

簾外當中北向跪讀訖執拍女執事引歌者陞階就坐女

執事俯伏舉麾奏祥雲曜日之曲羅古響曲三絃三竹板鼓拍板合奏樂歌三大王大

妃殿舉爵尚食進受虛爵復於壽酒亭樂止歌者典贊唱

俯伏興平身 王世子俯伏興平身女執事導 殿下還

詣褥位典贊唱跪 殿下 王世子跪典贊唱三叩頭

殿下 王世子三叩頭典贊唱山呼 殿下 王世子拱

手加額曰千歲唱山呼曰千歲唱再山呼曰千千歲凡呼千歲在位

者齊聲應之女執事俯伏舉麾奏祝聖人之曲鄉唐交奏尚食進湯女

執事進湯于簾外尚食以受進于 大王大妃殿座前樂

止典贊唱俯伏興平身 殿下 王世子俯伏興平身女

執事導 殿下還就座女執事導 王世子還就座女執

事俯伏舉麾奏萬壽長樂之曲鄉唐交奏女執事進揮巾于

殿下前進是女執事進饌盤女執事進揮巾于 王世子

前進是女執事進饌盤樂止女執事俯伏舉麾奏聖壽無

疆之曲呈五羊仙原舞曲女執事進酒于 殿下前女執事

進酒于 王世子前樂止女執事俯伏舉麾奏壽延長之

曲交 鄉唐女執事進湯于 殿下前女執事進湯于 王世

子前樂止女執事俯伏舉麾奏萬波停息之曲呈船遊樂

曲原 舞樂止女執事俯伏舉麾奏長生之曲交 鄉唐尚食進茶

于 大王大妃殿座前樂止女執事俯伏舉麾奏大明之

曲呈荷皇恩曲 原 舞女執事進茶于 殿下前女執事進茶

于 王世子前樂止司唱二人分東西唱後唱樂章訖女

執事俯伏舉麾奏武寧之曲呈劒器舞曲 原 舞尚食退御饌

女執事承受以出退匙櫟退揮巾女執事退 殿下饌盤

退匙櫟退揮巾女執事退 王世子饌盤退匙櫟退揮巾

樂止女執事俯伏舉麾奏五雲駕六龍之曲交 鄉唐樂止典

贊唱可起女執事導 王世子還詣褥位女執事導 殿

下還詣褥位女執事俯伏舉麾奏玉燭春之曲與 民 樂 令司贊

曰四拜典贊唱鞠躬四拜興平身 殿下 王世子鞠躬
四拜興平身樂止尚宮進當榻前跪啓禮畢典贊唱禮畢
尚宮跪啓落燈尚宮跪啓請降座女執事俯伏舉麾奏玉
殿春之曲呈春鶯轉原舞曲 尚宮導 大王大妃殿降座還
內降簾樂止女執事俯伏舉麾奏天香鳳韶之曲水龍吟 女
執事導 殿下出小次女執事導 王世子出小次樂止

萬慶殿翌日會酌儀

翌日尚寢率其屬設御座於殿內北壁南向寶案於座東
香案二於殿外左右樽花排設仍用 又設大次於東閣女官設命婦
拜位於簾內西階上近南北向又設命婦侍宴位於簾內
西階上近西東向典賓典膳司贊典贊位於簾內西階上
女執事設進饌所堂上郎廳拜位於大有門外階上分東

西近南北向又設侍宴位於大有門外近東西向司唱位
於階上左右在南差退北上相向女執事設 統天隆運
肇極敦倫主上殿下酒亭茶亭進花兼揮巾卓於楹外東
階上女官設命婦酒卓於簾內西階上又設命婦以下頒
花卓於簾內西階上近南典賓設命婦致詞案於簾內西
階上近西女執事設進饌所堂上郎廳致詞案於簾外東
階上近東設進饌所堂上郎廳酒卓於簾外東階上又設
進饌所堂上郎廳以下頒花卓於簾外東階上近東掌樂
院備樂陳呈才舞於簾外東西階上設女執事舉麾位於
簾外西階上近西東向前二刻女官女執事女伶工人等
各以其服就外位小頃各就位前一刻女執事引進饌所
堂上郎廳

各服黑
圍領

各具
禮服

就外位典賓引命婦
就外位女執事

詣閣外跪啓請中嚴少頃又啓外辦 統天隆運肇極敦

倫主上殿下具翼善冠袞龍袍以出繖扇侍衛如常儀女

執事前導入大次繖扇侍衛止於大次外時至典賓引命婦入就拜位

女執事引進饌所堂上郎廳入就拜位女執事詣大次前

跪啓請出次 統天隆運肇極敦倫主上殿下出次女執

事俯伏舉麾奏聖壽無疆之曲呈舞鼓原舞女執事導

統天隆運肇極敦倫主上殿下陞座爐烟升繖扇侍衛如

常儀樂止女執事俯伏舉麾奏日升月恆之曲鄉曲司贊

曰四拜典贊唱鞠躬四拜興平身命婦及進饌所堂上郎

廳鞠躬四拜興平身樂止司唱二人分東西唱先唱樂章

訖女執事俯伏舉麾奏長生寶宴之樂呈長生寶宴之舞

女執事進揮巾樂止女執事俯伏舉麾奏艷陽春之

曲

鄉唐
交奏

女執事進花樂止典贊唱頌花典飾頌命婦花女

執事頌進饌所堂上郎廳花典賓引命婦就坐女執事引

進饌所堂上郎廳就坐女執事俯伏舉麾奏太平萬年之

曲呈獻仙桃

原舞
曲

女執事進匙櫟進饌案

兼進單子之
節如正日儀

樂止

女執事俯伏舉麾奏天保九如之曲

鄉唐
交奏

女執事進爵進

味數樂止女執事俯伏舉麾奏箕疇五福之曲

鄉唐
交奏

統天

隆運肇極敦倫主上殿下舉爵女執事進受虛爵復於酒

亭樂止女執事俯伏舉麾奏八千爲春之曲呈壽延長

原舞

女執事進湯樂止典賓引命婦班首

諸命婦
隨後

就拜位典贊

唱跪命婦班首以下跪代致詞女官進當簾內近西北向

跪讀訖女執事進當榻前跪承傳教俯伏興出臨階西向

立稱有教宣教曰千一之慶以讌嘉賓典贊唱俯伏興平

身命婦班首以下俯伏興平身女執事引進饌所堂上郎

廳班首

諸堂郎
隨後

入就南階上北向典贊唱跪進饌所堂上郎

廳班首以下跪代致詞女執事進當榻前北向跪讀訖女
執事跪承傳教俯伏興出臨階東向立稱有教宣教曰千
一之慶以讌嘉賓典贊唱俯伏興平身進饌所堂上郎廳
班首以下俯伏興平身女執事引進饌所堂上郎廳還就
拜位女執事俯伏舉麾奏演百福之曲呈演百福之舞原
樂止典贊唱跪命婦及進饌所堂上郎廳跪典贊唱三
叩頭命婦及進饌所堂上郎廳三叩頭典贊唱山呼命婦
及進饌所堂上郎廳拱手加額曰千歲唱山呼曰千歲唱
再山呼曰千歲凡呼千歲在位
者齊聲應之女執事俯伏舉麾奏萬方寧
之曲唐
交奏司贊曰四拜典贊唱俯伏興四拜興平身命婦

及進饌所堂上郎廳俯伏興四拜興平身樂止典賓引命

婦還就坐女執事引進饌所堂上郎廳還就坐女執事俯

伏舉麾奏賀聖朝之曲呈響鉞原舞曲曲膳設命婦饌卓行

酒女執事設進饌所堂上郎廳饌卓行酒樂止女執事俯

伏舉麾奏長春不老之曲呈春鶯囀原舞曲女執事進茶樂

止司唱二人分東西唱後唱樂章訖女執事俯伏舉麾奏

武寧之曲呈劍器舞原舞曲女執事退饌案退匙裸退揮巾

樂止典膳撤命婦饌卓女執事撤進饌所堂上郎廳饌卓

女執事俯伏舉麾奏萬波停息之曲呈船遊樂原舞曲樂止

典贊唱可起女執事引進饌所堂上郎廳就拜位典賓引

命婦就拜位女執事俯伏舉麾奏岡陵之曲水龍吟司贊曰

四拜典贊唱鞠躬四拜興平身命婦及進饌所堂上郎廳

鞠躬四拜興平身樂止女執事進當榻前跪啓禮畢典贊
唱禮畢女執事俯伏舉麾奏萬歲長樂之曲水龍吟女執事
進當榻前跪啓請降座 統天隆運肇極敦倫主上殿下
降座女執事前導還內樂止典賓引命婦出女執事引進
饌所堂上郎廳出

萬慶殿翌日夜讌儀

其日

會同後

統天隆運肇極敦倫主上殿下座位及饌案仍

設撤命婦位次及床卓懸燈於殿之內外設紗籠燈於階

上左右

或懸或豎

又設燭於殿內及階上東西

每如成雙

撤女執事

舉麾改設照燭麾

呈才儀仗及樂器風物並仍用

女官女執事女伶工人等仍

以其服各就位時至女執事引進饌所堂上郎廳

仍服入

就拜位女執事詣大次前跪啓請出次

統天隆運肇極

敦倫主上殿下仍具翼善冠袞龍袍插花以出女執事俯

伏舉麾奏壽曜南極之曲與民樂令女執事導 統天隆運肇

極敦倫主上殿下陞座爐烟升繖扇侍衛如常儀樂止女

執事俯伏舉麾奏樂萬春之曲春陽司贊曰四拜典贊唱

鞠躬四拜興平身進饌所堂上郎廳鞠躬四拜興平身樂

止司唱二人分東西唱先唱樂章訖女執事引進饌所堂

上郎廳就坐女執事俯伏舉麾奏壽千春之曲呈夢金尺

原舞曲女執事進揮巾進匙櫟樂止女執事俯伏舉麾奏頌

九如之曲鄉唐交奏女執事進饌盤兼進單子之節如正日儀樂止女執事俯

伏舉麾奏聖人無憂之曲呈獻仙桃原舞曲女執事進爵樂

止女執事俯伏舉麾奏萬斯年之曲鄉唐交奏統天隆運肇極

敦倫主上殿下舉爵女執事進受虛爵復於酒亭樂止女

執事俯伏舉麾奏祥雲曜日之曲

鄉唐交奏

女執事進湯樂止

女執事引進饌所堂上郎廳班首

諸堂郎隨後

入就南階上北向

典贊唱跪進饌所堂上郎廳班首以下跪代致詞女執事

進當榻前北向跪讀訖典贊唱俯伏興平身進饌所堂上

郎廳班首以下俯伏興平身女執事引進饌所堂上郎廳

還就拜位典贊唱跪進饌所堂上郎廳跪典贊唱三叩頭

進饌所堂上郎廳三叩頭典贊唱山呼進饌所堂上郎廳

拱手加額曰千歲唱山呼曰千歲唱再山呼曰千千歲

凡呼

千歲在位者齊聲應之

女執事俯伏舉麾奏天籙永昌之曲

洛陽春

司贊

曰四拜典贊唱俯伏興四拜興平身進饌所堂上郎廳俯

伏興四拜興平身樂止女執事俯伏舉麾奏祝華之曲

鄉唐

奏女執事進茶樂止女執事引進饌所堂上郎廳就坐女

進饌議軌

卷一儀註

執事俯伏舉麾奏樂昇平之曲呈蓮花臺舞

原舞曲

女執事

設進饌所堂上郎廳饌卓行酒樂止司唱二人分東西唱後唱樂章訖女執事俯伏舉麾奏永南山之曲呈響鈴舞

原舞曲

女執事退饌盤退匙櫟退揮巾樂止女執事撤進饌

所堂上郎廳饌卓女執事俯伏舉麾奏萬波停息之曲呈

船遊樂

原舞曲

樂止典贊唱可起女執事引進饌所堂上郎

廳還就拜位女執事俯伏舉麾奏山河玉曆長之曲

洛陽春

司贊曰四拜典贊唱鞠躬四拜興平身進饌所堂上郎廳

鞠躬四拜興平身樂止女執事進當榻前跪啓禮畢典贊

唱禮畢女執事跪啓落燈女執事俯伏舉麾奏祝有餘之

曲水龍吟

女執事進當榻前跪啓請降座

統天隆運肇極

敦倫主上殿下降座女執事前導還內樂止女執事引進

饌所堂上郎廳出

萬慶殿再翌日 王世子會酌儀

再翌日女官設 王世子座於殿內東壁西向印案於座

北香案二於殿外左右

椅花排設仍用

又設小次於東間設命婦拜

位於殿內當中東向又設命婦陪宴位於殿內近北南向
典賓典膳司贊典贊位於簾內西階上女執事設進饌所
堂上郎廳拜位於大有門外階上近西東向又設陪宴位
於大有門外近南北向司唱位於階上左右在南差退北
上相向女執事設 王世子酒亭茶亭進花兼揮巾卓於
楹外東階上女官設命婦酒卓於簾內西階上又設命婦
以下頒花卓於簾內西階上近南典賓設命婦致詞案於
簾內西階上近西女執事設進饌所堂上郎廳致詞案於

簾外東階上近東設進饌所堂上郎廳酒卓於簾外東階上又設進饌所堂上郎廳以下頒花卓於簾外東階上近東掌樂院備樂陳呈才舞於簾外東西階上設女執事舉麾位於簾外西階上近西東向前二刻女官女執事女伶工人等各以其服就外位少頃各就位前一刻女執事引進饌所堂上郎廳各服黑圍領就外位典賓引命婦各具禮服就外位女執事詣閣外跪贊請內嚴少頃又白外備王世子具翼善冠袞龍袍以出繖扇陪衛如常儀女執事前導入小次繖扇陪衛止於小次外時至典賓引命婦入就拜位女執事引進饌

所堂上郎廳入就拜位女執事詣小次前跪贊請出次

王世子出次女執事俯伏舉麾奏演百福之曲呈演百福

之舞

原舞曲

女執事導

王世子陞座爐烟升繖扇陪衛如

常儀樂止女執事俯伏舉麾奏萬千春之曲洛陽春司贊曰

再拜典贊唱鞠躬再拜興平身命婦及進饌所堂上郎廳

鞠躬再拜興平身樂止司唱二人分東西唱先唱樂章訖

女執事俯伏舉麾奏壽星輝之曲呈獻仙桃原舞曲女執事

進揮巾樂止女執事俯伏舉麾奏太平春之曲鄉唐交奏典贊

唱進花女執事進花樂止典贊唱頌花典飾頌命婦花女

執事頌進饌所堂上郎廳花典賓引命婦就坐女執事引

進饌所堂上郎廳就坐女執事俯伏舉麾奏天保九如之

曲呈壽延長原舞曲女執事進匙櫟進饌案兼進單子之節如正日儀樂止

女執事俯伏舉麾奏日升月恆之曲鄉唐交奏女執事進爵進

味數樂止女執事俯伏舉麾奏壽曜南極之曲鄉唐交奏王世

子舉爵女執事進受虛爵復於酒亭樂止女執事俯伏舉

麾奏獻天壽之曲呈拋毬樂

原舞曲

女執事進湯樂止典賓

引命婦班首

諸命婦隨後

就拜位典贊唱跪命婦班首以下跪代

致詞女官進當座前東向跪讀訖女執事進當座前跪承

令俯伏興退南向立稱有令令曰千一之慶以讌嘉賓典

贊唱俯伏興平身命婦班首以下俯伏興平身女執事引

進饌所堂上郎廳班首

諸堂郎隨後

入就南階上東向典贊唱跪

進饌所堂上郎廳班首以下跪代致詞女執事進當座前

東向跪讀訖女執事跪承令俯伏興出臨階南向立稱有

令令曰千一之慶以讌嘉賓典贊唱俯伏興平身進饌所

堂上郎廳班首以下俯伏興平身女執事引進饌所堂上

郎廳還就拜位女執事俯伏舉麾奏承華之曲呈春鶯轉

月舞曲

司贊曰再拜典贊唱鞠躬再拜興平身命婦及進饌

所堂上郎廳鞠躬再拜興平身樂止典賓引命婦還就坐

女執事引進饌所堂上郎廳還就坐女執事俯伏舉麾奏

武寧之曲呈劍器舞原舞典膳設命婦饌卓行酒女執事

設進饌所堂上郎廳饌卓行酒樂止女執事俯伏舉麾奏

長春不老之曲呈佳人剪牧丹原舞女執事進茶樂止司

唱二人分東西唱後唱樂章訖女執事俯伏舉麾奏長生

寶宴之樂呈長生寶宴之舞菩薩女執事退饌案退匙櫟

退揮巾樂止典膳撤命婦饌卓女執事撤進饌所堂上郎

廳饌卓女執事俯伏舉麾奏萬波停息之曲呈船遊樂原舞

樂止典贊唱可起女執事引進饌所堂上郎廳就拜位

典賓引命婦就拜位女執事俯伏舉麾奏賀萬明之曲陽

司贊曰再拜典贊唱鞠躬再拜興平身命婦及進饌所

堂上郎廳鞠躬再拜興平身樂止女執事進當座前跪白
禮畢典贊唱禮畢女執事俯伏舉麾奏萬壽無疆之曲水龍吟
女執事進當座前跪贊請降座 王世子降座女執事
前導還內樂止典賓引命婦出女執事引進饌所堂上郎
廳出

萬慶殿再翌日 王世子夜燕儀

其日會酌後王世子座位及饌案仍設撤命婦位次及床卓

懸燈於殿之內外設紗籠燈於階上左右或懸或堅又設燭於

殿內及階上東西每如成雙撤女執事舉麾改設照燭麾呈才儀及樂

器風物並仍用女官女執事女伶工人等仍以其服各就位時至女

執事引進饌所堂上郎廳仍服其服入就拜位女執事詣小次

前跪贊請出次 王世子仍具翼善冠袞龍袍插花以出

女執事俯伏舉麾奏太平萬年之曲步虛子令女執事導王

世子陞座爐烟升繖扇陪衛如常儀樂止女執事俯伏舉

麾奏瑞雲曜日之曲洛陽春司贊曰再拜典贊唱鞠躬再拜

興平身進饌所堂上郎廳鞠躬再拜興平身樂止司唱二

人分東西唱先唱樂章訖女執事引進饌所堂上郎廳就

坐女執事俯伏舉麾奏壽齊天之曲呈舞鼓原舞曲女執事

進揮巾進匙櫟樂止女執事俯伏舉麾奏岡陵之曲文唐奏

女執事進饌盤兼生單子之節如正日儀樂止女執事俯伏舉麾奏千年

萬歲之曲呈夢金尺原舞曲女執事進爵樂止女執事俯伏

舉麾奏祝華之曲鄉唐奏王世子舉爵女執事進受虛爵復

於酒亭樂止女執事俯伏舉麾奏景錄無疆之曲鄉唐奏女

執事進湯樂止女執事引進饌所堂上郎廳班首諸堂郎隨後入

就南階上東向典贊唱跪進饌所堂上郎廳班首以下跪
代致詞女執事進當座前東向跪讀訖典贊唱俯伏興平
身進饌所堂上郎廳班首以下俯伏興平身女執事引進
饌所堂上郎廳還就拜位女執事俯伏舉麾奏樂昇平之

曲

洛陽春

司贊曰再拜典贊唱鞠躬再拜興平身進饌所堂

上郎廳鞠躬再拜興平身樂止女執事俯伏舉麾奏萬歲

春之曲

鄉唐交奏

女執事進茶樂止女執事引進饌所堂上郎

廳就坐女執事俯伏舉麾奏永南山之曲呈響鈴舞

原舞曲

女執事設進饌所堂上郎廳饌卓行酒樂止司唱二人分

東西唱後唱樂章訖女執事俯伏舉麾奏萬歲長樂之曲

呈舞山香

原舞曲

女執事退饌盤退匙櫟退揮巾樂止女執

事撤進饌所堂上郎廳饌卓女執事俯伏舉麾奏萬波停

息之曲呈船遊樂

原舞曲

樂止典贊唱可起女執事引進饌

所堂上郎廳還就拜位女執事俯伏舉麾奏箕疇五福之

曲

洛陽春

司贊曰再拜典贊唱鞠躬再拜興平身進饌所堂

上郎廳鞠躬再拜興平身樂止女執事進當座前跪白禮

畢典贊唱禮畢女執事跪白落燈女執事俯伏舉麾奏祝

有餘之曲

水龍吟

女執事進當座前跪贊請降座

王世子

降座女執事前導還內樂止女執事引進饌所堂上郎廳

出

事目

進饌事目

今此進饌教是時應行諸事參考磨鍊開錄爲白去乎依
此舉行何如 判付依所啓施行爲良如教

一本所處所乙良右營新營良中排設爲白齊

一堂上郎廳差祭安徐郎廳除本司仕上直凡公會勿叅爲白齊

一本所書吏十五人書寫一人庫直五名使令十五名以有料布衙門移差使役爲白齊

一堂上郎廳印信各一顆令該曹輸送爲白齊

一守直軍士五名令兵曹定送爲白齊

一各色工匠勿論諸上司各衙門所屬直爲捉來使役爲白齊

一各該司官員時急分付時用粉牌爲白齊

一所用紙地筆墨令各該司進排爲白齊

一未盡條件追後磨鍊爲白齊

儀軌事目

本所儀軌成出時應行條件參考前例磨鍊列錄爲白去
乎依此施行何如 判付依所啓施行爲良如教

一處所乙良右營新營良中排設爲白齊

一堂上郎廳除本司仕上直凡公會勿叅差祭安徐爲白
齊

一堂上郎廳行用印信各一顆仍用爲白齊

一書吏九人書寫二人庫直二名使令五名令戶兵曹給
料布守直軍三名令該曹定送爲白齊

一儀軌所用紙地筆墨及行用雜物令各該司進排爲白
齊

一儀軌七件乙良奎章閣侍講院春秋館禮曹太白山五

臺山赤裳山城等處分上爲白齊

一未盡條件追後磨鍊爲白齊

啓目

後以各樣物種
見解品器用案

司饗院啓目今此

大王大妃殿進饌教是時別行果與

五爵味數器數令廚院舉行事命下爲白有等以 大王

大妃殿

大殿

中宮殿

世子宮

世子嬪宮別行果

味數饌品物種及該用器皿雜物分排磨鍊爲白去乎依

後錄進排之意各該司良中分付何如

判付依允

司饗院啓目今此進饌教是時夜進饌翌日再翌日會酌

與夜讌時進湯進茶加磨鍊會酌時味數器數令廚院舉

行事命下爲白有等以

大王大妃殿

大殿

世子宮

進湯味數饌品物種及該用器皿雜物分排磨鍊爲白去

乎依後錄進排之意各該司良中分付何如 判付依允
啓辭

丙戌十月十六日

進饌所郎廳以堂上意啓曰闕內待令郎廳以入直部將
輪回舉行何如 傳曰允

進饌所郎廳以堂上意啓曰松禾縣監姜漣前府使吳慶
然知事李應憲副司果李濬相訓鍊院判官金信默前縣
監安膺浩並別看役差下使之舉行何如 傳曰允

進饌所郎廳以堂上意啓曰進饌始役吉日時令日官金
洙均推擇則今十月二十日午時爲吉云以此日時舉行
之意敢啓 傳曰知道

丁亥正月二十日

進饌所郎廳以堂上意啓曰今此內進饌御覽儀註一本
笏記一本夜進饌儀註一本笏記一本翌日會酌儀註一
本笏記一本翌日夜讌儀註一本笏記一本謹此書入而
內進饌諺書儀註一本夜進饌諺書儀註一本書入 大
王大妃殿內進饌諺書儀註一本書入 中宮殿內進饌
審覽儀註一本笏記一本夜進饌儀註一本笏記一本再
翌日會酌儀註一本笏記一本再翌日夜讌儀註一本笏
記一本書入 世子宮內進饌諺書儀註一本書入 世
子嬪宮之意敢啓 傳曰知道

丁亥正月二十五日

進饌所郎廳以堂上意啓曰今此進饌時入叅外賓前郡
守元弼常前學官李載星尹宅善前監牧官趙秉政時無

職名令該曹口傳付軍職使之入叅何如 傳曰允

丁亥三月十五日

進饌儀軌廳郎廳以堂上意啓曰河陽縣監姜漣振威縣令方天鏞訓鍊院僉正金信默本廳別看役差下使之舉行何如 傳曰允

庚寅三月二十三日

進饌儀軌廳郎廳以堂上意啓曰丁丑丁亥進饌儀軌印出始役吉日時今日宮金載霖推擇則今三月二十四日辰時爲吉云以此日時設行之意敢啓 傳曰知道

移文

丙戌十月十六日

爲相考事今此進饌教是時所用柚子二百五十箇全羅

道石榴二百五十箇慶尙道依丁丑年例卜定爲去乎到
卽分定於所產邑來十一月望前上納本所爲有矣此係
莫重所用必以濃熟無點者箇箇極擇堅實封裹定色吏
領納之意嚴明知委施行宜當

全羅監營
慶尙監營

爲相考事今此進饌教是時所用生鰔慶尙道黃海道各
六百五十箇忠清水營七百箇依丁丑年例卜定爲去乎
到卽所產各邑良中預爲分定來十一月望前上納爲有
矣此係莫重所用必以新鮮體大者箇箇極擇定色吏領
納之意知委施行宜當

慶尙監營黃海
監營忠清水營

爲相考事今此進饌教是時呈才中鶴舞所用青鶴白鶴
粹雖自京措備乙仍于玆以文移爲去乎關到卽時本營
所在青白鶴諸具定將校罔夜上送以爲及時入用之地

是矣肄習日子甚爲窘迫俾無遲滯生梗之弊宜當

黃海監營

府

丙戌十月十八日

爲相考事今此進饌教是時松禾縣監姜建別看役差下使之舉行事草記蒙允下教是置關到卽時知委該倅以爲斯速上來之地宜當

黃海監營

丙戌十月二十日

爲相考事本所所用戶曹米一百石兵曹木十同依已例

卽爲輸送宜當

戶曹兵曹

爲相考事本所分差錄事一人政院待令書吏一人料布自十月十五日會同日爲始限畢役計日磨鍊上下爲旂軍士五名雇價亦爲上下宜當

戶曹兵曹

爲相考事今此進饌教是時自習儀日至正日燈燭所用黃蜜當爲夥數而貢契無宿儲市肆亦絕貴萬無排用之道勢不得不卜定於所產各道乙仍于茲以文移爲去乎黃蜜平安道一千斤黃海道五百斤江原道七百里京畿四百斤忠清道四百斤分定於所產各邑必趨來月旬前各其定色吏直納本所爲乎矣必使之精實去滓母至有麤劣見退之地宜當

京畿監營忠清監營黃海道監營江原監營平安監營

爲相考事本所儀註所軍士二名雇價自今十月二十日

爲始磨鍊上下宜當

兵曹

爲相考事今此進饌教是時萬慶殿補階雨具遮陽舖陳戶曹自當舉行而各司進排物種依例捧甘取用事既承筵教爲有置奉審舉行宜當

戶曹

爲相考事今此進饌教是時典樂樂工服飾新備物力自戶曹上下事奉承下教教是置依後錄件數磨鍊上下之

地宜當

戶曹

典樂所著綠衫六件

外拱草綠生絹內拱藍綿紬

冒羅幘頭六件

具纓

也

字帶六件殿上樂工所著紅團領五十件

外拱紅綿紬內拱藍綿紬

畫

花幘頭五十件

具纓

軒架樂工所著紅團領四十件

紅綿

畫花幘頭四十件

具纓

爲相考事今此進饌教是時各樣儀註及笏記出草之役極爲浩多且係時急茲以牒報爲去乎能書書吏十人限十日定送于本所以爲舉行之地爲只爲

議政府

丙戌十二月初四日

爲相考事今此進饌教是時所用生餽依前例數已有所

分排卜定是如乎以若上送之數無以排用故茲以更關
爲去乎到卽一百箇必以新鮮體大者另擇來正月旬前
定色吏趁期領納無至遲滯生梗之弊宜當

黃海監營
忠清水營

丁亥正月二十日

爲相考事今月二十七日內進饌教是時京畿監司金明
鎮驪州牧使金定圭黃州牧使金胤鉉順天府使李範晉
井邑縣監李承紀甌山縣監尹泌求外賓入叅事下教教
是置下教內辭意奉審知委正日前上來爲有突形止卽
爲回移以爲憑考之地宜當

京畿監營黃海監營
全羅監營平安監營

丁亥四月二十二日

爲相考事本所所用各樣物種實入後錄移文爲去乎依
此會減宜當

戶曹

客文紙四十二張上品搗鍊紙九卷下品搗鍊紙五卷
十一張草注紙十六卷八張雪花紙八張黃扇子紙九
張及半半張紅菱花四卷四張唐朱紅五兩四錢倭朱
紅五斤二兩片臘脂十三張唐銅碌五斤金箔二十束
三貼阿膠一兩膠末一斗五升別紋席五十七張白紋
席五十一張細草席七十八張以上席子
修里契 椶板一立椶木
二箇歸也二箇細馬尾篩二十部馬尾篩十三部竹篩
十五部白條所五十五良衣紅條所二百九十五良衣
槌皮所二百良衣米一石司藥
寺 紅麻絲四斤麻絲三斤
紅木二疋青木二疋十五尺紅鼎紬四幅襖七件三幅
襖四十七件紅木五幅襖三件苧布手巾一件綿紬手
巾一件紅禾紬二疋又長六寸廣四寸四百五十六片

又長四寸廣二寸五分十六片藍禾紬二疋又長六寸

廣一寸十二片又長四寸廣一寸二百十二片草綠禾

紬長六寸廣一寸十二片白禾紬長五寸廣一寸二百

二十八片又長二寸廣一寸八片紅方紬長一尺廣六

寸八十片又長一尺廣五分九十四片鎖鑰開金具八

十二部銅周鉢一箇湯煮十一箇葉匙四十九箇

以上銅鉢砂鉢二十竹大櫟二十竹湯器十竹中櫟匙十竹硯

滴十箇

以上外砂器座

大溺江六箇中溺江二箇

以上內砂器座

蘆簞六百

四立中竹五十箇內

二十八箇五分一用還二十二箇間失會減

爲相考事內習儀時所用各樣砂器依前例以砂器座所

在白砂器捧甘取用後錄移文爲去乎依此會減宜當

戶曹

瓶十箇內

七箇還下三箇間失

杯臺具二十坐內

十坐還下十坐間失

茶罐四坐

還酒煎子四坐下還湯器三竹失中櫟匙四竹還茶鍾四

坐內三坐還下
一坐闕失

為相考事本所用別工作各樣物種實入與用還之類

後錄移文為去乎依此會減宜當戶曹

扇子大椽八十八箇彰義宮所在內六十箇用後還下十箇
裁折取用八箇折傷十箇闕失會減買大椽

一百六箇彰義宮所在內四十一箇用後還下十箇
折取用三十箇折傷二十五箇闕失會減大椽九百五

箇彰義宮所在內二百二箇用後還下五十箇
折取用三百五十三箇折傷三百箇闕失會減中椽一千二百九十

八箇彰義宮所在內五百九十箇用後還下五十箇
折取用三百五十箇折傷三百八箇闕失會減小椽五千四百

二箇彰義宮所在內二千二百二十箇用後還下六百八十
二箇裁折取用一千五百箇折傷一千箇闕失會減檜木四十五

箇彰義宮所在
用後還下文乃木三百六箇座所在內十六箇用後還下三
宮二百三十七箇六分一用還三

十七箇折傷十
六箇闕失會減伐去木二十六箇座所在內十五箇六分一
用還十一箇闕失會減真櫟長

木各六千八百九十箇經工監紫門監
所在於半用還中東澆三十艮衣十二

民衣六分一用 草茆八百八十四浮 六百浮六分一用還一百八十 中

竹四百八十四箇 三百五箇六分一用還五十九 加乃冲光耳字

光耳斧子各十柄 舊匠人鐵契所在內各二柄用還 長松板一千

七百十六立薄松板六百三十六立大條里木四百五

十七箇及半箇中條里木七百九十一箇小條里木三

百九十七箇厚正板六十七立六寸頭釘五百三十六

箇五寸頭釘七百十二箇四寸頭釘二千六百八十一

箇三寸頭釘五百八十三箇二寸釘四百四十箇一寸

五分釘二千九百四十二箇中甘佐非釘具四千九十

四箇大落目三排具六十七箇中落目三排具六十一

箇單環兩排具四箇二折沙志環兩排具三十二箇燭

串之三百六十一箇中廣頭釘二千四百十箇 以上鐵物 繕工鐵契

四寸頭釘四千箇三寸頭釘一千箇一寸五分釘五千

箇中廿佐非釘具九千箇中舉釧兩排具五百二十四

箇以上新匠人鑄契一寸五分釘二千九百箇中廿佐非釘具二

千六百四十箇中舉釧兩排所枕具二百六十箇以上舊匠人鐵

契阿膠十四斤十一兩五錢礮朱紅十六斤十一兩丁

粉三斤七兩石礪朱五斤五兩槌皮所一百七十八艮

衣松烟十斗條所五十艮衣鍊襪柄次真長木長三尺

五十片紫門長木契小朴槌木十尺炭二石七斗二升以上會減蘆

簞一千八十立草飛乃三千一百五十二同葛漈二百

六十艮衣以上用還

來關

丙戌十月二十五日

黃海道觀察使爲相考事因關辭松禾縣監姜漣卽速發行之意知委該邑事據到付

丙戌十月二十八日

京畿觀察使爲到付事今此進饌教是時所用黃蜜四百斤分定於所產各邑直納本所事關文到付事據到付

丙戌十一月初五日

全羅道觀察使爲上送事節到付關內乙用良本道卜定柚子二百五十箇擇品監封上送事據到付

丙戌十一月初九日

慶尙道觀察使爲上送事節到付關內乙用良進饌教是時所用石榴二百五十箇依丁丑年例分定於所產各邑都聚營下各別擇封定色吏上送事據到付

丙戌十一月初十日

江原道觀察使爲到付事今此進饌教是時所用黃蜜七百斤分定於所產各邑定色吏直納事關到付事據到付

丙戌十一月十一日

黃海道觀察使爲到付事今此進饌教是時所用黃蜜五百斤分定各邑直納本所事關到付事據到付

黃海道觀察使爲上送事節到付關內乙用良本營所在青白鶴諸具別定將校後錄上送事據到付

青鶴一隻白鶴一隻鶴衣二件鶴襪二雙蓮峯板二坐蓮花葉十二片花冠一雙羅衫二件紅絲帶二件

丙戌十一月十三日

禮曹爲相考事節啓下教曹單子今此內進饌教是時習

儀吉日今日官推擇則初度來正月初十日二度同月十七日三度同月二十五日俱吉云以此日舉行而初二度習儀則各日早朝進饌所堂郎俱以黑團領本所良中行禮爲白乎旂三度習儀乙良依正日例萬慶殿行禮爲白乎矣令進饌所檢飭事知委何如啓依丁丑年例當自內爲之矣本所習儀置之事批下教是置批下內辭意奉審施行事據到付

丙戌十一月十五日

忠清道水軍節度使爲上送事節到付關內乙用良進饌教是時所用生鰕七百箇分定各邑極擇監封定色吏準授上送事據到付

丙戌十一月十七日

忠清道觀察使爲到付事今此進饌教是時所用黃蜜四百斤分定於各邑直納本所事關到付事據到付

丙戌十一月二十日

慶州府尹爲上送事節到付關內乙用良本府所在青白鶴諸具樂工處準授上送事據到付

丙戌十二月初二日

平安道觀察使爲到付事今此進饌教是時所用黃蜜一千斤分定於所產各邑來月旬前直納事關到付事據到付

丙戌十二月初三日

慶尙道觀察使爲相考事節到付關內乙用良進饌教是時所用生鰯六百五十箇各別極擇監封上送事據到付

丁亥正月初五日

忠清道水軍節度使爲上送事節到付關內乙用良進饌
教是時加卜定生鰓一百箇極擇監封定色吏上送事據
到付

丁亥正月初八日

黃海道水軍節度使爲上送事節到付本所關據本道觀
察使關內乙用良進饌教是時進上有匣生鰓前後卜定
七百五十箇分定於甕津長淵登山三邑鎮矣甕津登山
依數等待是乎矣長淵段自本營屢度預飭而未及都封
乙仍于同生鰓四百二十箇陪持軍官全好信處爲先賁
奉上送爲乎旂零在段更飭長淵府使之火速來納鱗次
封進計料事據到付

進饌儀軌卷之一

